

四庫全書薈要

• 乾隆御覽本

史部

欽定四庫全書薈要

史部

史記卷二十八



詳校官主事銜臣徐以坤

史記卷二十八

漢 太 史 令司馬遷 撰

宋 中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

封禪書第六

正義泰山上築土為壇以祭天報天之功故曰  
封泰山下小山上除地報地之功故曰禪言禪



者神之也白虎通云或曰封者金泥銀繩或曰石泥金繩封之印璽也五經通義云易姓而王致太平必封泰山禪梁父荷天命以為王使理羣生告太平於天報羣神之功

自古受命帝王曷嘗不封禪蓋有無其應而用事者矣未有睹符瑞見而不臻乎泰山者也雖受命而功不至矣而德不洽洽矣而日有不暇給是以即事用希傳曰三年不為禮禮必廢三年不為樂樂必壞每世之隆則封禪答焉及衰而息厥曠遠者千有餘載近者數百載故其儀闕然堙滅其詳不可得而記聞云尚書曰舜

在璇璣玉衡以齊七政遂類于上帝禋于六宗望山川

徧羣神輯五瑞擇吉月日見四岳諸牧還瑞

集解徐廣曰還一作廣

班

歲二月東巡狩至于岱宗岱宗泰山也

正義括地志云泰山一曰

岱宗東嶽也在兗州博城縣西北三十里周禮云兗州鎮曰岱宗

柴望秩于山川遂覲

東后東后者諸侯也合時月正日同律度量衡修五禮

五玉三帛二生一死贄五月巡狩至南岳南岳衡山也

正義括地志云衡山一名岵嶺山在衡州湘潭縣西四十一里

八月巡狩至西岳西岳

華山也

正義括地志云華山在華州華陰縣南八十一里古文以為敦物周禮云豫州鎮曰華山

月巡狩至北岳北岳恒山也

正義括地志云恒山在定州恒陽縣西北百四十里

周禮云并州鎮曰恒山

皆如岱宗之禮中岳嵩高也

索隱獨不言至者蓋以天

子所都也正義括地志云嵩山亦名太室亦名外方也在洛州陽城縣西北二十三里

五載一巡

狩禹遵之後十四世至帝孔甲淫德好神神瀆二龍去

之索隱如淳案國語二龍獫于夏庭是也其後三世湯伐桀欲遷夏社不

可作夏社後八世至帝太戊有桑穀生於廷一暮大拱

懼伊陟

集解徐廣曰陟古作敕

曰妖不勝德太戊修德桑穀死伊

陟贊巫咸巫咸之興自此始

索隱尚書伊陟贊于巫咸孔安國云贊告也巫咸臣

名今此云巫咸之興衍自此始則以巫咸為巫覡然楚詞亦以巫咸主神蓋太史以巫咸是殷臣以巫接神事太戊使禳桑穀之災所以伊陟贊

巫咸故云巫咸之興自此始也

後十四世帝武丁得

傳說為相殷復興焉稱高宗有雉

集解徐廣曰一作鷄音嬌

登鼎耳

雉武丁懼祖已曰修德武丁從之位以永寧後五世帝

武乙慢神而震死

索隱謂武乙射天後獵于河渭而震死也

後三世帝紂淫

亂武王伐之由此觀之始未嘗不肅祗後稍怠慢也周

官曰冬至祀天於南郊迎長日之至夏日至祭地祗

皆用樂舞而神乃可得而禮也天子祭天下名山大川

五岳視三公四瀆視諸侯諸侯祭其疆內名山大川四

瀆者江河淮濟也天子曰明堂辟雍

集解韋昭曰水外四周圓如辟雍蓋

以節觀者也

諸侯曰泮宮

集解張晏曰制度半於天子之辟雍索隱服虔云天子水匝為辟雍

諸侯水不匝至半為泮宮禮統又云半有水而半有宮是也

周公既相成王郊祀后

稷以配天

集解王肅曰配天於南郊祀之

宗祀文王於明堂以配上帝

集解鄭玄曰上帝者天之別名也神無二主故異其處避后稷也

自禹興而修社祀后

稷稼穡故有稷祠郊社所從來尚矣自周克殷後十四

世世益衰禮樂廢諸侯恣行而幽王為犬戎所敗

集解徐廣



曰犬一作吠 一 周東徙雒邑秦襄公攻戎救周始列為諸侯正義

秦襄公周平王元年封也 秦襄公既侯居西垂正義漢隴西郡西縣也今在秦州上邦縣

西南九十里也 自以為主少皞之神作西時祠白帝其牲用騂

駒黃牛羝羊各一云索隱毛詩傳云赤馬黑鬣曰騂也羝牡羊其後十六年

秦文公東獵汧渭之間卜居之而吉索隱地理志汧水出汧縣西北入渭

皇甫謐云文公徙都汧也正義括地志云郿縣故城在岐州郿縣東北十五里即此城也文公夢黃

虵自天下屬地其口止於廊行集解李奇曰廊音乎山阪曰衍索隱廊地名後

為縣屬馮翊衍者鄭眾註周禮云下平文公問史敦敦曰衍又李奇云三輔謂山陵間為衍也

曰此上帝之徵君其祠之於是作廊時用三牲郊祭白

帝焉自未作廊時也而雍旁故有吳陽武時

集解李奇曰於旁有

吳陽也

雍東有好時皆廢無祠或曰自古以雍州積高神

明之隩故立時郊上帝諸神祠皆聚云蓋黃帝時嘗用

事雖晚周亦郊焉其語不經見措紳者不道

集解李奇曰措插也

插笏於紳紳大帶索隱姚氏云措當作緡鄭衆註周禮

云措讀曰薦謂垂之於紳帶之間今案鄭意以措為薦

則薦亦是進進而置於紳帶之間故史記亦多作薦字也

作廊時後九年文公獲若

石云于陳倉北阪城祠之

集解蘇林曰質如石也服虔曰在北或曰在陳倉北索隱

云語辭也正義三秦記云太白山西有陳倉山山有石雞與山雞不別趙高燒山山雞飛去而石雞不去晨鳴山頭聲聞三里或言是玉雞括地志云陳倉山在岐州陳倉縣南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之其神或歲不至或

歲數來來也常以夜光輝若流星從東南來集于祠城

則若雄雞其聲殷云野雞夜雉集解如淳曰野雞雉也呂后名雉故曰野雞

曰殷聲也云以一牢祠命曰陳寶集解寶夫人祠或一歲二寶夫人祠

歲與葉君合葉神來時天為之殷殷雷鳴雉為雉在長安正西五百里韋昭曰在陳倉縣寶而祠之故曰陳寶索隱列異傳云陳倉人得異物以獻之道遇二童子云此名為媚在地下食死人腦媚乃言彼二童子名陳寶

得雄者王得雌者霸乃逐童子化為雉秦穆公大獵果獲其雌為立祠祭有光雷電之聲雄止南陽有赤光長十餘丈來入陳倉祠中所以代俗謂之寶夫人祠抑有由也葉縣名在南陽葉君即雄雉之神故時與寶夫人神合作廊時後七十八年秦德公既立卜居雍後子孫

飲馬於河遂都雍雍之諸祠自此興用三百牢於廊時

索隱秦本紀德公元年以犧三百祠廊時今案百當為白秦君西祀少昊牲尚白牢秦諸侯也雖奢侈僭祭郊本特牲不可用三百牢作伏祠索隱服虔云周時無伏秦牢以祭天蓋字誤始作之漢舊儀云伏者萬

鬼行故閉晝日不干求也東觀漢記和帝初令伏閉晝日是也又厯忌釋曰伏者何金氣伏藏之名四時代謝皆以相生而春木代水水生木也夏火代木木生火也冬水代金金生水也至秋則以金代火金畏於火故凡

至庚日必伏

磔狗邑四門以禦蠱苗

索隱案樂彥云左傳四蟲為蠱梟磔

之鬼亦為蠱故月令云大儺旁磔註云磔攘也厲鬼亦為蠱將出害人旁磔於四方之門故此亦磔狗邑四門

也風俗通云殺犬磔攘也

德公立二年卒其後六年秦宣公作密時

於渭南祭青帝其後十四年秦繆公立病卧五日不寤

寤乃言夢見上帝上帝命繆公平晉亂史書而記藏之

府而後世皆曰秦繆公上天秦繆公即位九年齊桓公

既霸會諸侯於葵丘

正義括地志云葵丘在曹州考城縣東南一里五十步郭內即桓公

所會也而欲封禪管仲曰

索隱今管子書封禪篇是

古者封泰山禪梁

父者

正義括地志云梁父山在兗州泗水縣北八十里也

七十二家

正義韓詩外傳云孔子升

泰山觀易姓而王可得而數者七十餘人不得而數者萬數也按管仲所記自無懷氏以下十二家其六十家

無紀錄也

而夷吾所記者十有二焉昔無懷氏

集解服虔曰古之王者在

伏羲前見莊子

封泰山禪云云

集解李奇曰云云山在梁父東索隱晉灼云云云山在蒙陽縣

故城東北下有云云亭正義括地志云云云山在兗州博野縣西南三十里也

虞義封泰山禪

云云神農封泰山禪云云炎帝封泰山禪云云

索隱鄧展云神

農後子孫亦稱炎帝而登封者律歷志黃帝與炎帝戰于阪泉豈黃帝與神農身戰乎皇甫謐云炎帝傳位八

也代黃帝封泰山禪亭亭

集解徐廣曰在鉅平駟案服虔曰亭亭山在牟陰索隱應劭云

亭亭在鉅平北十餘里服虔云在牟陰非也正義括地志云亭亭山在兗州博城縣西南三十里也顓頊

封泰山禪云云帝嚳封泰山禪云云堯封泰山禪云云

舜封泰山禪云云禹封泰山禪會稽索隱晉灼云本名茅山吳越春秋云

禹巡天下登茅山以朝羣臣乃大會計更名茅山為會稽亦曰苗山也正義括地志云會稽山一名衡山在越

州會稽縣東南一十二里也湯封泰山禪云云周成王封泰山禪社

首集解應劭曰山名在博縣皆受命然後得封禪桓公

曰寡人北伐山戎索隱服虔云蓋今鮮卑是也過孤竹正義括地志云孤竹故城

在平州盧龍縣南一十里殷時孤竹國也西伐大夏涉流沙東馬懸車上卑

耳之山

集解韋昭曰將上山纏束其馬懸鉤其車也卑耳即齊語所謂辟耳索隱卑耳山名在河東大

陽卑讀如字也齊語即春秋外傳國語之書也辟音僻賈逵云山險也

南伐至召陵召音義

邵括地志云邵陵故城在豫州郊城縣東四十五里也

登熊耳山以望江漢

索隱荆州

記順陽益陽二縣東北有熊耳山東西各一峯如熊耳狀因以為名齊桓公太史公並登之或云弘農熊耳非也

也兵車之會三

索隱案左傳兵車之會三謂魯莊十三年會北杏平宋亂僖四年侵蔡逐伐楚

六年伐鄭圍新城是也

而乘車之會六

索隱案左氏乘車之會六謂莊十四年會于鄆十五

年又會鄆十六年盟于幽僖五年會首止八年盟于洮九年會葵立

九合諸侯一匡天下

諸侯莫違我昔三代受命亦何以異乎於是管仲睹桓



公不可窮以辭因設之以事曰古之封禪部上之黍北

里之禾

集解應劭曰部上山也部音臚蘇林曰部上北里皆地名索隱韋昭云設以不可得之物應劭

云光武改高邑曰部姚氏云所以為盛江淮之間一茅

部縣屬常山一云部上山名

三脊

集解孟康曰所謂靈茅

所以為藉也東海致比目之魚

集解韋昭

曰各有一目不比不行其名曰鰈索隱鰈音答郭璞云如牛脾身薄細鱗紫黑色一眼兩片合乃得行今江東

呼為王餘

西海致比翼之鳥

集解韋昭曰各有一翼不比不飛其名曰鷦鷯索隱

山海經云崇丘之山有鳥狀如鳬一翼一目相得乃飛名云鷦郭璞註爾雅亦作鷦鷯

然後物有

不召而自至者十有五焉今鳳凰麒麟不來嘉穀不生

而蓬蒿藜莠茂鵙梟數至而欲封禪母乃不可乎於是

桓公乃止是歲秦繆公內晉君夷吾其後三置晉國之

君平其亂

索隱三置晉君謂惠公懷公文公也

繆公立三十九年而卒其

後百有餘年而孔子論述六藝傳畧言易姓而王封泰

山禪乎梁父者七十餘王矣其俎豆之禮不章蓋難言

之或問禘之說孔子曰不知知禘之說其於天下也視

其掌

集解孔安國曰為魯諱也包氏曰孔子謂或人言知禘之說者於天下之事如指視以掌中之物言

也其易詩云紂在位文王受命政不及泰山武王克殷二

年天下未寧而崩爰周德之洽維成王成王之封禪則

近之矣及後陪臣執政季氏旅於泰山仲尼譏之

集解馬融

曰旅祭名禮諸侯祭山川在封內者陪臣祭泰山非禮也是時萇弘以方事周靈王

諸侯莫朝周周力少萇弘乃明鬼神事設射狸首狸首

者諸侯之不來者

集解徐廣曰狸一名不來

依物怪欲以致諸侯諸

侯不從而晉人執殺萇弘

集解駉案皇覽曰弘家在洛陽東北山上

周人之

言方怪者自萇弘其後百餘年秦靈公作吳陽上畤祭

黃帝

集解徐廣曰距作畤時二百五十年

作下畤祭炎帝

索隱吳陽地名蓋在岳之南又

上云雍旁有故吳陽武時今蓋因後四十八年周太史武時又作上下時以祭黃帝炎帝

儋見秦獻公

索隱儋音丁甘反孟康云即老子也韋昭案年表儋在孔子後百餘年非老聃也

曰秦始皇與周合合而離五百歲當復合

索隱太顏歷評諸家而云周平

王封襄公始列為諸侯是乃為別至昭王五十二年西周君臣獻邑凡五百一十六年是為合此言五百年舉

全數也

合十七年而霸王出焉

索隱自昭王滅周之後至始皇元年誅嫪毐正一十

七年孟康云謂周封秦為別秦并周為合此襄公為霸始皇為王故云霸王出者也正義王于放反秦周俱黃帝之後至非子末別封是合也合而離者謂非子末年周封非子為附庸邑之秦是離也五百歲當復合者謂從非子邑秦後二十九君至秦孝公二年五百歲周顯王致文武胙於秦孝公復與之親是復合也十七年霸

王出焉者謂從秦孝公三年至十九年周顯王致伯於秦孝公是霸出也至惠王稱王王者出焉然五百歲者非子生秦侯已下二十八君至孝公二年合四百八十六年兼非子邑秦之後十四年則成五百歲矣諸家解也皆非  
櫟陽雨金秦獻公自以為得金瑞故作畦時櫟陽

而祀白帝

集解晉灼曰漢注在隴西西縣人先祠山下形如種韭畦時各一土封索隱漢舊儀云祭

人先於隴西西縣人先山山上皆有土人山下有時如種韭畦時中各有一土封故云畦時

其後百

二十歲而秦滅周

集解徐廣曰去太史儋言時百二十年

周之九鼎入于

秦或曰宋太丘社亡

集解駰案爾雅曰古陵太丘索隱應劭云亡淪入地非也案亡謂社

主亡也郭璞云宋有太丘社以社名此地也

而鼎没于泗水彭城下其後百

一十五年而秦并天下秦始皇既并天下而帝或曰黃

帝得土德黃龍地螾見

集解應劭曰螾蚯蚓也黃帝土位故地見其神蚓大五六圍長

十餘丈韋昭曰黃者地色螾亦地物故以為瑞索隱此史所記出呂氏春秋也螾音引

夏得木德

青龍止於郊草木暢茂殷得金德銀自山溢

集解蘇林曰流出也

周得火德有赤鳥之符

索隱尚書中候及呂氏春秋皆云有火自天止于王屋流為赤

鳥五至以穀俱來

今秦變周水德之時昔秦文公出獵獲黑龍

此其水德之瑞於是秦更命河曰德水以冬十月為年

首色上黑度以六為名

正義張晏云水北方黑水終數六故以方六寸為符六尺為步

音上大呂事統上法

集解服虔曰政上法令也

即帝

位三年東巡郡縣祠騶嶧山頌秦功業

索隱騶縣之嶧山騶縣本邦國

魯穆公改作鄒從征記北巖有秦始皇所勒之銘

於是徵從齊魯之儒生博士

七十人至于泰山下諸儒生或議曰古者封禪為蒲車

惡傷山之土石草木

索隱蒲車謂蒲裏車輪也

埽地而祭席用苴藉

集解應劭曰藉禾藁也去其皮以為席如淳曰苴讀曰祖藉讀曰受晉灼曰苴藉也索隱周禮祭祀供茅苴說文云苴言其易遵也

茅藉也

始皇聞此議各乖異難施用由此

絀儒生而遂除車道上自泰山陽至巔立石頌秦始皇

帝德明其得封也從陰道下禪於梁父其禮頗采太祝之祀雍上帝所用而封藏皆祕之世不得而記也始皇之上泰山中阪遇暴風雨休於大樹下諸儒生既絀不得與用於封事之禮聞始皇遇風雨則譏之於是始皇遂東游海上行禮祠名山大川及八神求僊人羨門之屬八神將自古而有之或曰太公以來作之齊所以為齊以天齊也

集解蘇林曰當天中中齊

其祀絕莫知起時八神一曰

天主祠天齊天齊淵水居臨菑南郊山下者

索隱顧氏案解道彪



齊記云臨菑城南有天齊泉五泉並出有異於  
常言如天之腹臍也小顏云下者謂最下也 二曰地

主祠太山梁父蓋天好陰祠之必於高山之下小山之

上命曰時

集解徐廣曰一云之下上時命曰時索隱此之一云與漢書郊祀志文同也

地貴

陽祭之必於澤中圓丘云三曰兵主祠蚩尤蚩尤在東

平陸監鄉齊之西境也

集解徐廣曰屬東平郡索隱監音閭皇覽云蚩尤冢在東平郡

壽張縣閭鄉城中也

四曰陰主祠三山

索隱小顏以為下所謂三神山顧氏案地理志東萊

曲成有參山即此三山非海中之三神山也

五曰陽主祠之罍

正義括地志云之罍山在

萊州文登縣西北九十里

六曰月主祠之萊山

集解韋昭曰在東萊長廣縣

皆在

齊北並勃海七曰日主祠成山成山斗入海

集解韋昭曰成山在

東萊不夜斗入海不夜古縣名索隱案解道彪齊記云不夜城古有日夜出見於東境故萊子立城以不夜為

名也斗入海謂斗絕曲入海也最居齊東北隅以迎日出云八曰四時

主祠琅邪琅邪在齊東方

索隱山海經云琅邪臺在勃海間案是山形如臺地理志

琅邪縣有蓋歲之所始皆各用一牢具祠而巫祝所損四時祠也

益珪幣雜異焉自齊威宣之時

索隱謂威王宣王也騶子之徒

集解韋昭曰論著終始五德之道集解如淳曰今其書有五德終始五德各以所勝為

行秦謂周為火德滅火及秦帝而齊人奏之故始皇采者水故自謂之水德

用之而宋母忌正伯僑充尚羨門子高

集解韋昭曰皆慕古人名效神

仙者索隱樂彥引老子道經云月中仙人宋母忌白澤

圖云火之精曰宋母忌蓋其人大仙也司馬相如云正

伯僑古仙人顧氏案裴秀冀州記云緱氏仙人廟者昔

有王喬捷為武陽人為栢人令於此得仙非王子喬也

充尚無所見羨門高者秦始皇

皇使盧生求羨門子高是也

最後皆燕人言甚後也服

虔說止有四人是小顏云自宋母忌至

最後凡五人劉伯莊亦同此說恐未詳

為方便道形

解銷化

集解服虔曰尸解也張晏曰人老如解去故骨則變化也今山中有龍骨世人謂之龍解骨化

去依於鬼神之事騶衍以陰陽主運

集解如淳曰今其書有主運五行相

次轉用事隨方面為服索顯於諸侯而燕齊海上之方

隱主運是鄒子之書篇名

士傳其術不能通然則怪迂阿諛苟合之徒自此興不可勝數也自威宣燕昭使人入海求蓬萊方丈瀛州此

三神山者其傳在勃海中

集解服虔曰傳音附或曰其傳書云爾瓊云世人相傳之

去人不遠患且至則船風引而去蓋嘗有至者諸僊人及不死之藥皆在焉其物禽獸盡白而黃金銀為宮闕未至望之如雲及到三神山反居水下臨之風輒引去終莫能至云世主莫不甘心焉

索隱謂心甘羨也

及至秦始皇

并天下至海上則方士言之不可勝數始皇自以為至

海上而恐不及矣使人乃齎童男女入海求之船交海

中皆以風為解

索隱顧野王云皆自解說遇風不至也

曰未能至望見之

焉其明年始皇復游海上至琅邪過恒山從上黨歸後

三年游碣石考入海方士

集解服虔曰疑詐故考之瓚曰考校其虛實也

從上

郡歸後五年始皇南至湘山遂登會稽並海上冀遇海

中三神山之奇藥不得還至沙丘崩

正義括地志云沙丘臺在邢州平鄉

東北三十里

二世元年東巡碣石並海南歷泰山至會稽皆

禮祠之而刻勒始皇所立石書旁以章始皇之功德

索隱

小顏云今此諸山皆有始皇所刻其秋諸侯畔秦三年石及胡亥重刻其文並具存也

而二世弑死始皇封禪之後十三歲秦亡諸儒生疾秦

焚詩書誅僂文學百姓怨其法天下畔之皆譌曰始皇

上泰山為暴風雨所擊不得封禪此豈所謂無其德而

用事者邪索隱即封禪書序云蓋有無其應而用事者矣此當有所本太史公再引以為說也昔

三代之君皆在河洛之間正義世本云夏禹都陽城避商均也又都平陽或在安邑

或在晉陽也帝王世紀云殷湯都亳在梁又都偃師至盤庚徙河北又徙偃師也周文武都鄠鄠至平王徙都

河南按三代之居故嵩高為中岳而四岳各如其方四皆在河洛之間也

瀆咸在山東至秦稱帝都咸陽則五岳四瀆皆并在東方自五帝以至秦軼興軼衰名山大川或在諸侯或在天子其禮損益世殊不可勝記及秦并天下令祠官所常奉天地名山大川鬼神可得而序也於是自穀以東

索隱穀即峭山杜預云峭在弘農澠池縣西南即今之二都山是也亦音豪

名山五大川祠

二曰太室太室嵩高也恒山泰山會稽湘山

索隱地理志湘山在

長沙水曰濟曰淮

索隱風俗通云濟廟在臨邑淮廟在平氏也

春以脯酒為歲

祠因泮凍

集解服虔曰解凍也音于偽反

秋涸凍

索隱案字林涸竭也音下各反小顏

云涸讀與汭同汭疑也音

冬賽禱祠

索隱賽音先代反  
下故反春則解秋則疑  
賽謂報神福也

其牲用牛犢各一牢具珪幣各異自華以西名山七名

川四曰華山

正義括地志云華山在華州華陰縣南八里古文以為敦物也註云華嶽本一山當

河水過而行河神巨靈手盪脚蹋開而為兩今脚跡在東首陽下手掌在華山今呼為仙掌河流於二山之間

也開山圖云巨靈胡者偏得神

薄山薄山者襄山也

集

徐廣曰蒲阪縣有襄山或字誤也索隱應劭云襄山在潼關北十餘里穆天子傳云自河首襄山酈元水經注云

薄山統目與襄山不殊在今芮城北與中條山相連是薄襄一山名也正義薄音白落反襄音色良反括地志

云薄山亦名襄山一名寸棘山一名渠山一名雷首山一名獨頭山一名首陽山一名吳山一名條山在陝州



芮縣城北十里此山西起雷山東至吳坂凡十名以  
州縣分之多在蒲州今史文云自華以西未詳也

山岐山

集解徐廣曰武功縣有大壺山又有岳吳岳集

徐廣曰在汧也索隱徐說非也鴻冢瀆山瀆山蜀之汶

山也

索隱黃帝臣大鴻葬雍鴻冢蓋因大鴻葬為名也

陽郡廣陽縣水曰河祠臨晉索隱韋昭曰臨晉馮翊縣

一名瀆山也

水曰河祠臨晉

地理志臨晉有河水祠正

義即同州馮翊縣本漢臨晉縣也收大荔秦獲之更名

括地志云大河祠在同州朝邑縣南三十里山海經云

水夷人面乘兩龍也太公金匱云馮脩也龍魚河圖云

河伯姓呂名公子夫人姓馮名夷河伯字也華陰潼鄉

隄首人水死化為河伯應沔祠漢中索隱水經云沔水

劭云夷馮夷乃水仙也

沔祠漢中

出武都沮縣注云

東南注漢所謂漢水故祠之漢湫淵祠朝郡集解蘇林曰湫淵在

中樂彥云漢女者漢神是也

湫淵祠朝郡

安定朝那縣方四十里停不流冬夏不增減不生草木

音將蓼反索隱湫音子小反又音子由反即龍之所處

也正義括地志云朝那湫祠在平高江安縣

縣東南二十里湫谷水源出寧州安定縣江水祠蜀

索隱

風俗通云江出嶠山嶠山廟在江都地理志江都有江

水祠蓋漢初祠之於源後祠之於委也廣雅云江神謂

之奇湘江記云帝女也卒為江神華陽國志云蜀守李

冰於彭門關立江神祠三所漢舊儀云祭四瀆用三牲

圭沉有車馬紺蓋正義括地志云江瀆祠在益州成都縣南八里秦并天下江水祠蜀亦春秋泮

涸禱賽如東方名山川而牲牛犢牢具珪幣各異而四

大冢鴻岐吳岳皆有嘗禾集解孟康曰以新穀祭索隱案謂四山為大冢爾雅云山

項曰眾蓋亦因鴻冢而為號也陳寶節來祠集解服虔曰陳寶神應節來也其河加有

嘗醪此皆在雍州之域近天子之都故加車一乘駢駒

四灞澹

正義括地志云灞水古滋水也亦名曰藍谷水即秦嶺水之下流在雍州藍田縣澹水即荆溪

狗枷之下流也在

長水澧澇

集解徐廣曰音勞駢案漢書音義曰水名在鄠縣界

雍州萬年縣也

索隱百官表有長水校尉沈約宋書云營近長水因以

為名水經云長水出白鹿原今之荆溪水是也十三州

記澧水出鄠縣南也正義括地志云

涇渭皆非大川以

澧水源在雍州長安縣西南山澧谷

近咸陽盡得比山川祠而無諸加

集解韋昭曰無車駢之屬汧洛義

括地志云汧水源出隴州汧源縣西南汧山東入渭洛水源出慶州洛源縣白於山南流入渭又云洛水商州

洛南縣西冢嶺山東北流入二淵正義地理志云二川

河按有三洛水未知祠何者源在慶州華池縣西

子午嶺東二鳴澤索隱服虔云鳴澤在涿郡適縣正義

川合因名也括地志云鳴澤在幽州范陽縣西十

五里按道縣在易州涑水縣北蒲山岳嶧山集解徐廣

一里故道城是也澤在道南蒲山岳嶧山曰嶧音先

許之屬為小山川亦皆歲禱賽泮涸祠禮不必同而雍

有日月參辰索隱漢書舊儀云祭參辰於池陽南北斗

熒惑太白歲星填星二十八宿風伯雨師四海九臣集

晉灼曰自此以下星至天淵十四臣索隱九臣十四臣

玉女凡二十六小神不說並不見其名數所

出故昔賢諸布諸嚴諸述之屬百有餘廟索隱爾雅祭

皆不論也星曰布或云

諸布是祭星之處述  
亦未詳漢書作逐

西亦有數十祠

索隱西即隴西之西縣秦之舊都故

有祠於湖有周天子祠

索隱地理志湖縣屬京兆有周天子祠二所在於下邳

有天神灋滴有昭明

索隱案樂彦引河圖云熒惑星散為昭明

天子辟池

索隱

樂彦云辟池未聞顧氏以為璧池即滴池所謂華陰平舒道逢使者持璧以遺滴池君故曰璧池今案謂天子辟池即用天子辟雍之地故周文王都鄠武王都鄠既立靈臺則亦有辟雍耳張衡亦以辟池為雍也於

社亳有三社主之祠

集解韋昭曰亳音薄湯所都瓚曰濟陰薄縣是索隱徐廣云京兆杜

縣有亳亭則社字誤合作杜亳且據文列於下皆是地邑則杜是縣案秦寧公與亳王戰亳王奔戎遂滅湯社皇甫謐亦云周桓王時自有亳王號湯非殷也而臣瓚以亳為成湯之邑故云在於濟陰非也案謂社亳二邑

有三社主之祠也

**壽星祠**

索隱壽星蓋南極老人星也見則天之理安故祠之以祈福壽也正義角

亢在辰為壽星三月之時萬物始生建於春氣布養各盡其性不罹災夭故壽

**而雍管廟亦有**

**杜主**

集解李奇曰管茅也

**杜主故周之右將軍**

索隱地理志杜陵故杜伯國有杜主

祠四墨子云周宣王殺杜伯不以罪後宣王田於圃見杜伯執弓矢射宣王伏弋而死故祠之也正義括地志

云杜祠雍州長安縣西南二十五里

**其在秦中最小鬼之神者**

索隱謂其鬼雖小而

有神靈者也

**各以歲時奉祠唯雍四時上帝為尊**

索隱雍有五時而言

四者顧氏以為兼下文上帝為五非也案四時據秦舊而言秦襄公始列為諸侯而作西時文公卜居汧渭之間而作邠時皆非雍也至秦德公卜居雍而後宣公作密時祠青帝靈公作上時祠黃帝下時祠炎帝獻公作

畦時祠白帝是為四并高祖增黑帝而五也正義括地志云鄜時吳陽上下時是言秦用四時祠上帝青黃赤白最尊其光景動人民唯陳寶故雍四時春以為歲禱貴之也

因泮凍秋涸凍冬賽祠五月嘗駒及四仲之月祠若月祠陳寶節來一祠春夏用騂秋冬用駟時駒四匹木禺

龍樂車一

駟

集解駟案漢書音義曰禺寄也寄生龍形於木也索隱禺音偶謂偶其形於木禺馬

亦然樂車謂車有鈴乃有和樂之節故取名也

木禺車馬一駟各如其帝色黃

犢羔各四珪幣各有數皆生瘞埋無俎豆之具

正義豆以木為

之受四升高尺二寸漆其中大夫以上赤三年一郊秦雲氣畫諸侯加象飾口足天子玉飾之也

以冬十月為歲首故常以十月上宿郊見

集解李奇曰宿猶齋戒也

通權火

集解張晏曰權火烽火也狀若井潔皐也其法類稱故謂之權欲令光明遠照通祀所也漢祀

五時於雍五里一烽火如淳曰權舉也索隱權如字一音燿周禮有司燿燿火官張晏解非也拜於咸

陽之旁而衣上白其用如經祠云

集解服虔曰經常也

西時畦時

祠如其故上不親往諸此祠皆太祝常主以歲時奉祠

之至如他名山川諸鬼及八神之屬上過則祠去則已

郡縣遠方神祠者民各自奉祠不領於天子之祝官祝

官有祕祝即有舊祥輒祝祠移過於下

正義謂有災祥輒令祝官祠祭



移其咎惡於衆官及百姓也

漢興高祖之微時嘗殺大蛇有物曰蛇

白帝子也而殺者赤帝子高祖初起禱豐粉榆社

集解張晏

曰粉白榆也社在豐東北十五里或曰粉榆鄉名高祖里社

徇沛為沛公則祠蚩尤

鑿鼓旗遂以十月至霸上與諸侯平咸陽立為漢王因以十月為年首而色上赤二年東擊項籍而還入關問故秦時上帝祠何帝也對曰四帝有白青黃赤帝之祠高祖曰吾聞天有五帝而有四何也莫知其說於是高祖曰吾知之矣乃待我而具五也乃立黑帝祠命曰北

時有司進祠上不親往悉召故秦祝官復置太祝太宰

如其故儀禮因令縣為公社

集解李奇曰猶官社

下詔曰吾甚重

祠而敬祭今上帝之祭及山川諸神當祠者各以其時

禮祠之如故

集解徐廣曰高祖本紀曰二年六月令祠官祀天地四方上帝山川以時祀之後

四歲天下已定詔御史令豐謹治枌榆社常以四時春

以羊彘祠之令祝官立蚩尤之祠於長安長安置祠祝

官女巫其梁巫祠天地天社天水房中堂上之屬

索隱禮樂

志有安世房中歌皆謂祭時房中堂上歌先祖之功德也

晉巫祠五帝東君雲中司

命巫社巫族人先炊之屬

索隱廣雅云東君日也王逸註楚詞雲中雲也東君雲中

亦見歸藏易也周禮以樛燎祠司命鄭衆云司命文昌四星也正義先炊古炊母之神也秦巫祠社

主巫保族累之屬

索隱社主即上文三社之主巫保族累二神名累音力追反

荆巫

祠堂下巫先司命施糜之屬

集解應劭曰先人所在之國及有靈施化民人又貴

悉置祠巫祝博求神靈之意文穎曰巫掌神之位次者也范氏世仕於晉故祠祝有晉巫范會支庶留秦為劉氏故有秦巫劉氏隨魏都大梁故有梁巫後徙豐豐屬荆故有荆巫索隱巫先謂古巫之先有靈者蓋巫咸之類也施糜粥之神謂九天巫祠九天

索隱孝武本紀云立九天廟於甘泉三輔

主施糜粥之神

九天巫祠九天

故事云胡巫事九天於神明臺淮南子雲中央曰鈞天東方曰蒼天東北旻天北方玄天西北幽天西方皓天

西南朱天南方炎天東南陽天是為九天也正義太玄經云一中天二養天三徙天四罰更天五晬天六郭天七咸天八治天九成天也皆以歲時祠宮中其河巫祠河於臨晉而

南山巫祠南山秦中秦中者二世皇帝

集解張晏曰子產云匹夫匹婦

强死者鬼鬼能依人為厲

各有時月其後二歲或曰周興而邑郃立

后稷之祠至今血食天下

正義顏師古云祭有牲於是牢故言血食遍於天下

高祖制詔御史其令郡國縣立靈星祠常以歲時祠以

牛集解張晏曰龍星左角曰天田則農祥也晨見而祭正義漢舊儀云五年修復周家舊祠祀后稷於東南

為民祈農報厥功夏則龍星見而始雩龍星左角為天田右角為天庭天田為司馬教人種百穀為稷靈者神

也辰之神為靈星故以壬辰日祠靈星於東南金勝為土相也廟記云靈星祠在長安城東十里高祖

十年春有司請令縣常以春三月及時臘祠社稷以羊

豕民里社各自財以祠制曰可其後十八年孝文帝即

位即位十三年下詔曰今祕祝移過于下朕甚不取自

今除之始名山大川在諸侯諸侯祝各自奉祠天子官

不領及齊淮南國廢令太祝盡以歲時致禮如故正義齊有

泰山淮南有天柱山二山初天子祝官不領遂廢其是

祀令諸侯奉祠今令太祝盡以歲時致禮如秦故儀

歲制曰朕即位十三年于今賴宗廟之靈社稷之福方

內又安民人靡疾問者比年登朕之不德何以饗此皆上帝諸神之賜也蓋聞古者饗其德必報其功欲有增

諸神祠有司議增雍五畤路車各一乘駕被具正義顏師古云

駕車被馬之飾皆具西畤畦畤禺車各一乘禺馬四匹駕被具其

河湫漢水正義河湫黃河及湫泉加玉各二正義言二水祭時各加玉璧二枚及

諸祠各增廣壇場珪幣俎豆以差加之而祝釐者歸福

於朕百姓不與焉自今祝致敬毋有所祈魯人公孫臣

上書曰始秦得水德今漢受之推終始傳則漢當土德

土德之應黃龍見宜改正朔易服色色尚黃是時丞相

張蒼好律厯以為漢乃水德之始故河決金堤

集解案漢書

音義曰在東郡界

其符也

索隱謂河決乃水德之符應也

年始冬十月色外黑

內赤

集解服虔曰十月陰氣在外黑陽氣尚伏在地故內赤

與德相應如公孫臣

言非也罷之後三歲黃龍見成

紀集解徐廣曰在文帝十五年春正義按成

紀今秦州縣也

文帝乃召公孫臣拜為博士與諸生草改厯服

色事其夏下詔曰異物之神見於成紀無害於民歲以

有年朕祈郊上帝諸神禮官議無諱以勞朕有司皆曰

古者天子夏親郊祠上帝於郊故曰郊於是夏四月文

帝始郊見雍五時祠衣皆上赤其明年趙人新垣平以

望氣見上言長安東北有神氣成五采若人冠纓焉或

曰東北神明之舍西方神明之墓也

集解張晏曰神明日也日出東方舍

謂陽谷日沒於西墓謂北谷也

天瑞下宜立祠上帝以合符應於是作

渭陽五帝廟同宇帝一殿面各五門各如其帝色祠所

用及儀亦如雍五時

集解韋昭曰宇謂上同下異禮所謂複廟重屋也瓚曰一營宇之中

立五廟正義括地志云渭陽五帝廟在雍州咸陽縣東三十里宮殿疏云五帝廟一字五殿也按一字之內而



設五帝各依其方帝別為一殿而門各如帝色也

夏四月文帝親拜霸渭之會

集解如淳曰二水之會正義以郊見渭陽五帝五帝廟渭陽五廟在二水之合北岸

南臨渭北穿蒲池溝水

正義顏師古云蒲池為池而種蒲也蒲字或作蘭言其水恐顏

說非按括地志云渭北咸陽縣有蘭池始皇蓬盜蘭池者也言穿溝引渭水入蘭池也旋蘭字誤作為蒲重更

錯失權火舉而祠若光輝然屬天焉於是貴平上大夫賜

累千金而使博士諸生刺六經中作王制

索隱小顏云刺謂采取之

也劉向七錄云文帝所造書有謀議巡狩封禪事文帝本制兵制服制篇刺音七賜反

出長安門

集解徐廣曰在霸陵駟案如淳曰亭名也正義括地志云長安門故亭在雍州萬年縣東

北苑中後館陶公主長門園武帝以長門名宮即此若見五人於道北遂因其直

北立五帝壇

集解孟康曰直值也值其立處以作壇

祠以五牢具其明年

新垣平使人持玉杯上書闕下獻之平言上曰闕下有

寶玉氣來者已視之果有獻玉杯者刻曰人主延壽平

又言臣候日再中

索隱晉灼云淮南云魯陽公與韓構戰戰酣日暮援戈麾之日為却三舍

豈其然乎居頃之日卻復中於是始更以十七年為元年令

天下大酺平言曰周鼎亡在泗水中今河溢通泗臣望

東北汾陰直有金寶氣意周鼎其出乎兆見不迎則不

至於是上使使治廟汾陰南臨河欲祠出周鼎

集解徐廣曰是

後三十七年鼎出汾陰

人有上書告新垣平所言氣神事皆詐也

下平吏治誅夷新垣平自是之後文帝怠於改正朔服色神明之事而渭陽長門五帝使祠官領以時致禮不往焉明年匈奴數入邊興兵守禦後歲少不登數年而孝景即位十六年祠官各以歲時祠如故無有所興至今天子

集解駰案自此後武帝事褚先生取為武帝本紀注解已在第十二卷今直載徐義

今天子

子初即位尤敬鬼神之祀元年漢興已六十餘歲矣天

下又安措紳之屬皆望天子封禪改正度也而上鄉儒  
術招賢良趙綰王臧等以文學為公卿欲議古立明堂  
城南以朝諸侯草巡狩封禪改厯服色事未就會竇太  
后治黃老言不好儒術使人微伺得趙綰等姦利事召  
案綰臧綰臧自殺諸所興為皆廢後六年竇太后崩其  
明年徵文學之士公孫弘等明年令上初至雍郊見五  
時後常三歲一郊索隱漢舊儀云元年祭天二年祭地  
三年祭五時三歲一遍皇帝自行也  
是時上求神君舍之上林中躡氏觀神君者長陵女子

以子死見神於先後宛若宛若祠之其室民多往祠平

原君往祠其後子孫以尊顯及今上即位則厚禮置祠

之內中聞其言不見其人云是時李少君亦以祠竈穀

道却老方見上上尊之少君者故深澤侯舍人

索隱案表深澤

侯趙將夜以高祖八年封侯至元朔五年夷侯胡薨無後國除

主方匿其年及其生長

常自謂七十能使物却老其游以方徧諸侯無妻子人

聞其能使物及不死更饋遺之常餘金錢衣食人皆以

為不治生業而饒給又不知其何所人愈信爭事之少

君資好方善為巧發奇中嘗從武安侯飲

索隱武安侯田蚡也

坐

中有九十餘老人少君乃言與其大父游射處老人為

兒時從其大父識其處一坐盡驚少君見上上有故銅

器問少君少君曰此器齊桓公十年陳於柏寢

索隱韓子云齊

景公與晏子遊於少海登相寢之臺而望其國已而案其刻果齊桓公器一宮

盡駭以為少君神數百歲人也少君言上曰祠竈則致

物致物而丹沙可化為黃金黃金成以為飲食器則益

壽益壽而海中蓬萊僊者乃可見見之以封禪則不死

黃帝是也臣常游海上見安期生安期生食巨棗大如

瓜

索隱包愷云巨或作臣

安期生僊者通蓬萊中合則見人不合

則隱於是天子始親祠竈遣方士入海求蓬萊安期生

之屬而事化丹沙諸藥齊為黃金矣居久之李少君病

死天子以為化去不死而使黃鍾

集解徐廣曰鍾音才恚反鍾縣黃縣皆在

東萊史寬舒受其方求蓬萊安期生莫能得而海上燕齊

怪迂之方士多更來言神事矣亳人謬忌奏祠太一方

曰天神貴者太一

索隱樂汁徵圖曰天宮紫微北極天一太一宋均云天一太一北極神之

別名春秋佐助期曰紫宮天皇曜魄寶之所理也石氏云天一太一各一星在紫宮門外立承事天皇大帝

太一佐曰五帝古者天子以春秋祭太一東南郊用太

牢七日為壇開八通之鬼道

索隱司馬彪續漢書祭祀志云壇有八陛通道以為

門又三輔黃圖云上帝壇八觚神道八通廣三十步也

於是天子令太祝立其祠

長安東南郊常奉祠如忌方其後人有上書言古者天

子三年壹用太牢祠神三天一地一太一天子許之

令太祝領祠之於忌太一壇上如其方後人復有上書

言古者天子常以春解祠

索隱謂祠祭以解殃咎求福祥也

祠黃帝用



一梟破鏡冥羊用羊祠馬行用一青牡馬太一澤

集解徐廣

曰澤一

山君地長用牛

索隱此則人上書言古天子祭太一太一天神也澤山本紀作

嶧山澤山君地長謂祭地於嶧山同

武夷君用乾魚索隱

用太牢故云用牛蓋是異代之法也顧氏案地理志建安有武夷山溪有仙人葬處即漢志書所謂武夷君是時既用越巫勇之疑即此神今案其祀用乾魚兼不享牲牢或如顧說也陰陽使者以一牛令祠官領之如其

方而祠於忌太一壇旁其後天子苑有白鹿以其皮為

幣以發瑞應造白金馬

索隱樂彥云謂龍馬龜也

其明年郊雍

集解徐廣

曰武帝立獲一角獸若麟然有司曰陛下肅祗郊祀上

帝報享錫一角獸蓋麟云於是以薦五時時加一牛以

燎錫諸侯白金風符應合於天也於是濟北王以為天

子且封禪乃上書獻泰山及其旁邑天子以他縣償之

常山王有罪遷天子封其弟於真定以續先王祀

集解徐廣

曰元鼎四年時而以常山為郡然後五岳皆在天子之邦其明

年齊人少翁以鬼神方見上上有所幸王夫人

集解徐廣曰外

戚傳曰趙之王夫人夫人卒少翁以方蓋夜致王夫人

幸有子封為齊王

及竈鬼之貌云

索隱漢書作李夫人卒帝悼之李少翁致其形帝為作賦此云王夫人新論亦

同未  
詳

天子自帷中望見焉於是乃拜少翁為文成將軍

賞賜甚多以客禮禮之文成言曰上即欲與神通宮室

被服非象神神物不至乃作畫雲氣車及各以勝日駕

車辟惡鬼

索隱樂彥云畫以勝日者謂畫青車以甲乙畫赤車以丙丁畫玄車以壬癸畫白車以庚

辛畫黃車以戊己將有水事則乘黃車故云駕車辟惡鬼也

又作甘泉宮中為臺室

畫天地太一諸鬼神而致祭具以致天神居歲餘其方

益衰神不至乃為帛書以飯牛佯不知言曰此牛腹中

有奇殺視得書書言甚怪天子識其手書問其人果是

偽書於是誅文成將軍隱之其後則又作柏梁銅柱

集解

徐廣曰元鼎二年時承露仙人掌之屬矣文成死明年天子病鼎

湖甚

索隱三輔黃圖云鼎湖宮名在藍田韋昭云地名近宜春案湖本屬京兆後分屬弘農恐非鼎湖處

也巫醫無所不致不愈游水發根言上郡有巫病而鬼

神下之上召置祠之甘泉及病使人問神君神君言曰

天子無憂病病少愈彊與我會甘泉於是病愈遂起幸

甘泉病良已大赦置酒壽宮神君壽宮神君最貴者太

一其佐曰大禁司命之屬皆從之弗可得見聞其言言

與人音等時去時來則風肅然居室帷中時晝言然  
常以夜天子被然後入因巫為主人闕飲食所以言行  
下又置壽宮北宮張羽旗設供具以禮神君神君所言  
上使人受書其言命之曰書法其所語世俗之所知也  
無絕殊者而天子心獨喜其事祕世莫知也其後三年  
有司言元宜以天瑞命不宜以一二數一元曰建二元  
以長星曰光三元以郊得一角獸曰狔云其明年冬天  
子郊雍議曰今上帝朕親郊而后土無祀則禮不答也

有司與太史公祠官寬舒議天地牲角蠶栗今陛下親

祠后土后土宜於澤中圓丘為五壇壇一黃犢太牢具

已祠盡瘞而從祠衣上黃於是天子遂東始立后土

集解

徐廣曰元鼎四年

祠汾陰睢邱如寬舒等議上親望拜如上帝

禮禮畢天子遂至滎陽而還過雒陽下詔曰三代邈絕

遠矣難存其以三十里地封周後為周子南君以奉其

先祀焉是歲天子始巡郡縣浸尋於泰山矣其春樂成

侯上書言樂大樂大膠東宮人故嘗與文成將軍同師

已而為膠東王尚方而樂成侯姊為康王后

索隱康王名寄

無

子康王死他姬子立為王

集解徐廣曰以元狩二年薨

而康后有淫

行與王不相中

索隱三蒼云中得也

相危以法康后聞文成已死

而欲自媚於上乃遣樂大因樂成侯求見言方天子既

誅文成後悔其蚤死惜其方不盡及見樂大大說大為

人長美言多方畧而敢為大言處之不疑大言曰臣常

往來海中見安期羨門之屬顧以臣為賤不信臣又以

為康王諸侯耳不足與方臣數言康王康王又不用臣

臣之師曰黃金可成而河決可塞不死之藥可得僊人可致也然臣恐效文成則方士皆掩口惡敢言方哉上

曰文成食馬肝死耳

索隱論衡云氣勃而毒盛故食走馬肝馬肝殺人儒林傳曰食肉無

食馬肝是也

子誠能修其方我何愛乎

索隱上語樂大云子誠能修文成方我更

何所愛惜乎謂不吝金寶祿位也

大曰臣師非有求人人者求之陛下

必欲致之則貴其使者令有親屬以客禮待之勿卑使各佩其信印乃可使通言於神人神人尚肯邪不邪致尊其使然後可致也於是上使驗小方闕基基自相觸



擊索隱顧氏案萬畢術云取雞血雜磨針鐵搏和磁石暴頭置局上自相抵擊也 是時上方憂

河決而黃金不就乃拜大為五利將軍居月餘得四印

索隱謂五利將軍天士將軍地士將軍大通將軍為四也佩天士將軍地士將軍大

通將軍印制詔御史昔禹疏九江決四瀆間者河溢臯

陸隄繇不息朕臨天下二十有八年集解徐廣曰元鼎四年也天若

遺朕士而大通焉乾稱蜚龍鴻漸于般朕意庶幾與焉

其以二千戶封地士將軍大為樂通侯賜列侯甲第僮

千人乘輦斥車馬帷幄器物以充其家又以衛長公主

妻之

索隱衛子夫之子曰衛太子女曰衛長公主是衛后長女也非如帝姊曰長公主之例也

齋金

萬斤更命其邑曰當利公主

索隱地理志東萊有當利縣

天子親如

五利之第使者存問供給相屬於道自大主

集解徐廣曰武帝姑

將相以下皆置酒其家獻遺之於是天子又刻玉印曰

天道將軍使使衣羽衣夜立白茅上五利將軍亦衣羽

衣夜立白茅上受印以示不臣也而佩天道者且為天

子道天神也於是五利常夜祠其家欲以下神神未至

而百鬼集矣然頗能使之其後裝治行東入海求其師

云大見數月佩六印

索隱更加樂通侯及天道將軍印為六印

貴震天下而

海上燕齊之間莫不搢挽而自言有禁方能神僊矣其

夏六月中汾陰巫錦為民祠魏睢后土營旁見地如鉤

狀掇視得鼎鼎大異於眾鼎文鏤無款識怪之言吏吏

告河東太守勝勝以聞天子使使驗問巫得鼎無姦詐

乃以禮祠迎鼎至甘泉從行上薦之至中山

集解徐廣曰河渠書

曰鑿涇水自中山西

睪暘有黃雲蓋焉有庶過上自射之因以祭

云

集解徐廣曰上言從行上薦之或者祭鼎也

至長安公卿大夫皆議請尊

寶鼎天子曰間者河溢歲數不登故巡祭后土祈為百

姓育穀今歲豐庶未報鼎曷為出哉有司皆曰聞昔泰

帝興神鼎一

索隱孔文祥云泰帝太昊也

一者壹統天地萬物所繫

終也黃帝作寶鼎三象天地人禹收九牧之金鑄九鼎

皆嘗亨

醵集解徐廣曰醵亨奠也音醵皆嘗以亨牲牢而祭祀

上帝鬼神遭聖則

興鼎遷于夏商周德衰宋之社亡鼎乃淪沒伏而不見

頌云自堂徂基自羊徂牛鼎及鼐不吳不驚胡考之

休今鼎至甘泉光潤龍變承休無疆合茲中山

集解徐廣曰闕

中亦復有中山也非魯中山

有黃白雲降蓋若獸為符路弓乘矢集

獲壇下報祠大享

集解徐廣曰一云大報祠享

唯受命而帝者心知

其意而合德焉鼎宜見於祖禰藏于帝廷以合明應制  
曰可入海求蓬萊者言蓬萊不遠而不能至者殆不見  
其氣上乃遣望氣佐候其氣云其秋上幸雍且郊或曰  
五帝太一之佐也宜立太一而上親郊之上疑未定齊  
人公孫卿曰今年得寶鼎其冬辛巳朔旦冬至與黃帝  
時等卿有札書曰黃帝得寶鼎宛胸問於鬼臾區鬼臾

區對曰黃帝得寶鼎神策是歲己酉朔旦冬至得天之  
紀終而復始於是黃帝迎日推策後率二十歲復朔旦  
冬至凡二十推三百八十年黃帝僊登于天卿因所忠  
欲奏之所忠視其書不經疑其妄書謝曰寶鼎事已決  
矣尚何以為卿因嬖人奏之上大說乃召問卿對曰受  
此書申公申公已死上曰申公何人也卿曰申公齊人  
與安期生通受黃帝言無書獨有此鼎書曰漢興復當  
黃帝之時曰漢之聖者在高祖之孫且曾孫也寶鼎出

而與神通封禪封禪七十二王唯黃帝得上泰山封申

公曰漢主亦當上封上封則能僊登天矣黃帝時萬諸

侯而神靈之封居七千

索隱韋昭云黃帝時萬國以其修神靈得封者七千國或為七

十國樂彥云以舜為神明之後封媯滿於陳之類是也顧氏案國語仲尼云山川之守足以紀綱天下者其守為神汪芒氏之君天下名山八而三在蠻夷五在中國

守封禺之山也

中國華山首山太室泰山東萊此五山黃帝之所常游

與神會黃帝且戰且學僊患百姓非其道者乃斷斬非

鬼神者

索隱謂有非毀鬼神之

人乃斷理而誅斬之百餘歲然後得與神通

黃帝郊雍上帝宿三月鬼臾區號大鴻死葬雍故鴻冢

是也其後黃帝按萬靈明廷明廷者甘泉也所謂寒

集解

徐廣曰一作塞門者谷口也黃帝采首山銅鑄鼎於荆山下鼎

既成有龍垂胡髯下迎黃帝

索隱說文云胡牛垂頤也釋名云胡在咽下垂者則

所謂龍胡也

黃帝上騎羣臣後宮從上者七十餘人龍乃上

去餘小臣不得上乃悉持龍髯龍髯拔墮墮黃帝之弓

百姓仰望黃帝既上天乃抱其弓與胡髯號故後世因

名其處曰鼎湖其弓曰烏號於是天子曰嗟乎吾誠得



如黃帝吾視去妻子如脫蹤耳乃拜卿為郎東使候神

於太室上遂郊雍至隴西西登崆峒幸甘泉令祠官寬

舒等具太一祠壇祠壇放薄忌太一壇壇三垓

集解徐廣曰階

也次五帝壇環居其下各如其方黃帝西南除八通鬼道

太一其所用如雍一時物而加醴棗脯之屬殺一狸牛

以為俎豆牢具而五帝獨有俎豆醴進其下四方地為

醢食羣臣從者及北斗云已祠胙餘皆燎之其牛色白

鹿居其中彘在鹿中水而洎之

集解徐廣曰洎一作酒灌水於釜中曰洎音冀

祭日以牛祭月以羊彘特

索隱樂彥云祭日以太牢月以少牢特不用牝也小顏云

牛羊若彘止一牲故云特也

太一祝宰則衣紫及繡五帝各如其色

日赤月白十一月辛巳朔旦冬至昧爽天子始郊拜太

一朝朝日夕夕月則揖而見太一如雍郊禮其贊饗曰

索隱顧氏云饗祀祠也漢舊儀云贊饗一人秩六百石是也

天始以寶鼎神策授皇

帝朔而又朔終而復始皇帝敬拜見焉而衣上黃其祠

列火滿壇壇旁亨炊具有司云祠上有光焉公卿言皇

帝始郊見太一雲陽有司奉瑄玉嘉牲薦饗是夜有美

光及晝黃氣上屬天太史公祠官寬舒等曰神靈之休祐福兆祥宜因此地光域立太時壇以明應令太祝領秋及臘間祠三歲天子一郊見其秋為伐南越告禱太一以牡荆畫幡日月北斗登龍以象太一三星為太一

鋒

集解徐廣曰天官書曰天極星明者太一常居也斗口三星曰太一

命曰靈旗為兵禱

則太史奉以指所伐國而五利將軍使不敢入海之泰

山祠上使人隨驗實毋所見五利妄言見其師其方盡

多不讎

索隱鄭德云相應為讎謂其言語不相應無驗也

上乃誅五利其冬公

孫卿候神河南言見僊人跡緱氏城上有物如雉往來城上天子親幸緱氏城視跡問卿得毋效文成五利乎卿曰僊者非有求人主人主者求之其道非少寬假神不來言神事事如迂誕積以歲乃可致也於是郡國各除道繕治宮觀名山神祠所以望幸也其春旣滅南越上有嬖臣李延年以好音見上善之下公卿議曰民間祠尚有鼓舞樂今郊祀而無樂豈稱乎公卿曰古者祠天地皆有樂而神祇可得而禮或曰太帝使素女鼓五

十弦瑟悲帝禁不止故破其瑟為二十五弦於是賽南

越禱祠太一后土始用樂舞益召歌兒作二十五弦

集解

徐廣曰瑟及空侯  
集解徐廣曰應劭云武帝  
琴瑟自此起其

來年冬上議曰古者先振兵釋旅

集解徐廣曰古釋字作澤

然後封

禪乃遂北巡朔方勒兵十餘萬還祭黃帝冢橋山釋兵

須如

集解徐廣曰須一作涼

上曰吾聞黃帝不死今有冢何也或

對曰黃帝已僊上天羣臣葬其衣冠既至甘泉為且用

事泰山先類祠太一自得寶鼎上與公卿諸生議封禪

封禪用希曠絕莫知其儀禮而羣儒采封禪尚書周官  
王制之望祀射牛事齊人丁公年九十餘曰封禪者合  
不死之名也秦皇帝不得上封陛下必欲上稍上即無  
風雨遂上封矣於是乃令諸儒習射牛草封禪儀數  
年至且行天子既聞公孫卿及方士之言黃帝以上封  
禪皆致怪物與神通欲放黃帝以上接神僊人蓬萊士  
高世比德於九皇而頗采儒術以文之羣儒既已不能  
辨明封禪事又牽拘於詩書古文而不能騁上為封禪

祠器示羣儒羣儒或曰不與古同徐偃又曰太常諸生  
行禮不如魯善周霸屬圖封禪事於是上絀偃霸而盡  
罷諸儒不用三月遂東幸緱氏禮登中岳太室從官在  
山下聞若有言萬歲云問上上不言問下下不言於是  
以三百戶封太室奉祠命曰崇高邑東上泰山泰山之  
草木葉未生乃令人上石立之泰山巔上遂東巡海上  
行禮祠八神齊人之上疏言神怪奇方者以萬數然無  
驗者乃益發船令言海中神山者數千人求蓬萊神人

公孫卿持節常先行候名山至東萊言夜見大人長數丈就之則不見見其跡甚大類禽獸云羣臣有言見一老父牽狗言吾欲見巨公已忽不見上即見大跡未信及羣臣有言老父則大以為僊人也宿留海上予方士傳車及間使求僊人以千數四月還至奉高上念諸儒及方士言封禪人人殊不經難施行天子至梁父禮祠地主乙卯令侍中儒者皮弁薦紳射牛行事封泰山下東方如郊祠太一之禮封廣大二尺高九尺其下則有



玉牒書書祕禮畢天子獨與侍中奉車子侯上泰山亦有封其事皆禁明日下陰道丙辰禪泰山下趾東北肅然山如祭后土禮天子皆親拜見衣上黃而盡用樂焉江淮間一茅三脊為神藉五色土益雜封縱遠方奇獸蜚禽及白雉諸物頗以加禮兕牛犀象之屬不用皆至泰山祭后土封禪祠其夜若有光晝有白雲起封中天子從禪還坐明堂羣臣更上壽於是制詔御史朕以眇眇之身承至尊兢兢焉懼不任維德菲薄不明于禮樂

修祠太一若有象景光屑如有望震於怪物欲止不敢  
遂登封泰山至于梁父而後禪肅然自新嘉與士大夫  
更始賜民百戶牛一酒十石加年八十孤寡布帛二匹  
復博奉高蛇丘歷城無出今年租稅其大赦天下如乙  
卯赦令行所過毋有復作事在二年前皆勿聽治又下  
詔曰古者天子五載一巡狩用事泰山諸侯有朝宿地  
其令諸侯各治邸泰山下天子既已封泰山無風雨災  
而方士更言蓬萊諸神若將可得於是上欣然庶幾遇

之乃復東至海上望冀遇蓬萊焉奉車子侯暴病一日

死索隱新論云武帝出璽印石財有朕兆子侯則沒印帝畏惡故殺之風俗通亦云然顧脩案武帝集帝與

子侯家語云道士皆言子侯得仙不足悲此說是也上乃遂去並海上北至碣石

巡自遼西歷北邊至九原五月反至甘泉有司言寶鼎

出為元鼎以今年為元封元年其秋有星茀于東井後

十餘日有星茀于三能望氣王朔言候獨見旗星出如

瓜食頃復入焉有司皆曰陛下建漢家封禪天其報德

星云

索隱樂彥包愷並作旗星旗星即德星也符瑞圖云旗星之極芒艷如旗本亦作旗也

其來

年冬郊雍五帝還拜祝祠太一贊饗曰德星昭衍厥維  
休祥壽星仍出淵耀光明信星昭見皇帝敬拜太祝之  
享其春公孫卿言見神人東萊山若云欲見天子天子  
於是幸緱氏城拜卿為中大夫遂至東萊宿留之數日  
無所見見大人跡云復遣方士求神怪采芝藥以千數  
是歲旱於是天子既出無名乃禱萬里沙過祠泰山還  
至瓠子自臨塞決河留二日沈祠而去使二卿將卒塞  
決河徙二渠復禹之故跡焉是時既滅兩越越人勇之

乃言越人俗鬼而其祠皆見鬼數有效昔東甌王敬鬼  
壽百六十歲後世怠慢故衰耗乃令越巫立越祝祠安  
臺無壇亦祠天神上帝百鬼而以雞卜上信之越祠雞  
卜始用公孫卿曰僊人可見而上往常遽以故不見今  
陛下可為觀如緱城

集解徐廣曰一云如緱氏城

置脯棗神人宜可

致也且僊人好樓居於是上令長安則作蜚廉桂觀甘

泉則作益延壽觀

索隱小顏以為作益壽延壽二館使漢武故事云作延壽觀高二丈

卿持節設具而候神人乃作通天莖臺

集解徐廣曰在甘泉索隱漢書

並無莖字  
疑衍也

置祠具其下將招來僊神人之屬於是甘泉

更置前殿始廣諸宮室夏有芝生殿房內中

集解徐廣曰元封二

年天子為塞河興通天臺若見有光云乃下詔甘泉房

中生芝九莖赦天下毋有復作其明年伐朝鮮夏旱公

孫卿曰黃帝時封則天旱乾封三年上乃下詔曰天旱

意乾封乎其令天下尊祠靈星焉其明年上郊雍通回

中道巡之春至鳴澤從西河歸其明年冬上巡南郡至

江陵

集解徐廣曰元封五年

而東登禮灋之天柱山號曰南岳浮

江自尋陽出樅陽過彭蠡禮其名山川北至琅邪並海上四月中至奉高修封焉初天子封泰山泰山東北趾古時有明堂處處險不敞上欲治明堂奉高旁未曉其制度濟南人公玉帶上黃帝時明堂圖明堂圖中有一殿四面無壁以茅蓋通水圜宮垣為複道上有樓從西南入命曰昆侖天子從之入以拜祠上帝焉於是上令奉高作明堂汶上

集解徐廣曰在元封二年秋

如帶圖及五年修封

則祠太一五帝於明堂上坐令高皇帝祠坐對之祠后

土於下房以二十太牢天子從昆侖道入始拜明堂如

郊禮禮畢燎堂下而上又上泰山自有祕祠其巔而太

山下祠五帝各如其方黃帝并赤帝而有司侍祠焉山

上舉火下悉應之其後二歲十一月甲子朔旦冬至推

歷者以本統天子親至泰山以十一月甲子朔旦冬至

日祠上帝明堂毋修封禪

集解徐廣曰常五年一修耳  
今適二年故但祠於明堂

其贊饗曰天增授皇帝太元神策周而復始皇帝敬拜

太一東至海上考入海及方士求神者莫驗然益遣冀



遇之十一月乙酉柏梁裁十二月甲午朔上親禪高里祠后土臨勃海將以望祀蓬萊之屬冀至殊廷焉上還以柏梁裁故朝受計甘泉公孫卿曰黃帝就青靈臺十二日燒黃帝乃治明廷明廷甘泉也方士多言古帝王有都甘泉者其後天子又朝諸侯甘泉甘泉作諸侯邸勇之乃曰越俗有火裁復起屋必以大用勝服之於是作建章宮度為千門萬戶前殿度高未央其東則鳳闕高二十餘丈其西則唐中數十里虎園其北治大池漸

臺高二十餘丈命曰太液池中有蓬萊方丈瀛洲壺梁  
象海中神山龜魚之屬其南有玉堂璧門大鳥之屬乃  
立神明臺井幹樓度五十丈輦道相屬焉夏漢改厯以  
正月為歲首而色上黃官名更印章以五字為太初元  
年是歲西伐大宛蝗大起丁夫人雒陽虞初等以方祠  
詛匈奴大宛焉其明年有司上言雍五時無牢熟具芬  
芳不備乃令祠官進時犢牢具色食所勝而以木禺馬  
代駒焉獨五月嘗駒行親郊用駒及諸名山川用駒者

悉以木禺馬代行過乃用駒他禮如故其明年東巡海

上考神僊之屬未有驗者方士有言黃帝時為五城十

二樓以候神人於執期命曰迎年上許作之如方命曰

明年上親禮祠上帝焉公玉帶曰黃帝時雖封泰山然

風后封臣岐伯令黃帝封東泰山禪凡

集解徐廣曰一作丸

山合

符然後不死焉天子既令設祠具至東泰山泰山卑小

不稱其聲乃令祠官禮之而不封禪焉其後令帶奉祠

候神物夏遂還太山修五年之禮如前而加以禪祠石

問石間者在泰山下趾南方方士多言此僊人之間也

故上親禪焉其後五年復至泰山修封

集解徐廣曰天漢三年

還

過祭恒山今天子所興祠太一后土三年親郊祠建漢

家封禪五年一修封薄忌太一及三一冥羊馬行赤星

五寬舒之祠官以歲時致禮

索隱郊祀志云祠官寬舒議祠后土為五壇故謂之

五寬舒祠官也

凡六祠皆太祝領之至如八神諸明年凡山他

名祠行過則祠行去則已方士所興祠各自主其人終

則已祠官不主他祠皆如其故今上封禪其後十二歲

而還徧於五岳四瀆矣而方士之候伺神人入海求蓬萊終無有驗而公孫卿之候神者猶以大人之跡為解無有效天子益怠厭方士之怪迂語矣然羈縻不絕冀遇其真自此之後方士言神祠者彌衆然其效可睹矣太史公曰余從巡祭天地諸神名山川而封禪焉入壽宮侍祠神語究觀方士祠官之意於是退而論次自古以來用事於鬼神者具見其表裏後有君子得以覽焉若至俎豆珪幣之詳獻酬之禮則有司存

索隱述贊曰禮載升中書稱肆類古今盛典皇王能  
事登封報天降禪除地飛英騰寶金泥石記漢承遺  
緒斯道不墜仙閣  
肅然揚休勒誌

史記卷二十八

史記卷二十八考證

封禪書至矣而德不洽○監本訛作至梁父矣衍梁父  
二字今改正

視其掌詩云紂在位文王受命○

臣照

按詩云二字不

審所謂注家皆畧蓋唐時無此文也蓋視其掌云為  
句衍一詩字耳

必於高山之下小山之上命曰時○集解索隱文俱有  
脫誤不可解

宋母忌索隱樂彥引老子道經云月中仙人宋母忌○  
今五千言中無此語

汧洛正義洛水商州洛南縣西冢嶺山○推尋文義洛  
水下脫出字

杜主故周之右將軍正義括地志云杜祠雍州長安縣  
西南二十五里○推尋文義杜祠下脫在字

色外黑內赤集解服虔曰十月陰氣在外黑陽氣尚伏  
在地故內赤○按漢書郊祀志注引服虔云十月陰



氣在外故外黑此脫故外二字

曰天神貴者太一索隱樂汁徵圖○當作樂汁圖徵  
基自相觸擊索隱基頭置局上○推尋文義基頭上脫  
塗字

史記卷二十八考證

謹案第一頁後一行或曰封者金泥銀繩或曰石  
泥金繩刊本金泥泥字脫石字訛作古據白虎  
通增改

第二頁前八行古文以為敦物案華山非敦物此  
括地志沿水經注之訛

第三頁前一行今此云巫咸之興衍自此始案本  
書文無衍字

第十頁前五行時中各有一土封刊本一訛二據

金定四庫全書  
上集解及漢書顏師古注改

第十六頁前四行蜀郡蒯氏道刊本氏訛氏據漢  
地志改

第十六頁前七行姓呂名公子刊本脫名字據王  
鏊本增

第十七頁後一行地理志云二川源在慶州華池  
縣西案地理志三字誤疑作括地志

第十七頁後三行易州涑水縣刊本涑訛漆據唐

書地理志改

第十七頁後五行漢書舊儀疑作漢舊儀書字衍  
第二十一頁後八行右角為天庭刊本天訛大今  
改

第二十四頁前三行蒲字或作蘭言其水考漢書  
顏師古注作蒲字或作滿言其水滿此有訛脫





總校官庶吉士臣侍朝

校對官檢討臣王鍾健

膳錄貢生臣張賦京

欽定四庫全書叢要

史部

史記卷

二十九  
三十

詳校官主事銜臣徐以坤





史記卷二十九

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

河渠書第七

夏書曰禹抑鴻水

索隱抑音憶抑者遏也洪水滔天故禹遏之不令害人也漢書溝洫志作



埋埋抑  
皆塞也

十三年過家不入門陸行載車水行載舟泥行

蹈毳山行即橋

集解徐廣曰橋近遙反一作擗擗直轅車也音已足反尸子曰山行乘擗音力

追反又曰行塗以循行險以撮行沙以軌又曰乘風車  
音去喬反索隱毳字亦作橈同音昌尚反注以撮子尚  
反又子絕反  
與蘊音同  
以別九州隨山浚川任土作貢通九道陂

九澤

正義顏師古云通九州之道及障遏其澤也

度九山

正義度田洛反釋名云山者產也治

水以志九州山澤所生物產言於地所宜商而度之以制貢賦

然河蓄衍溢害中國也

尤甚唯是為務故道河自積石歷龍門

正義在同州韓城縣北五十里

為鑿廣八十步

南到華陰

正義華陰縣也魏之陰晉秦惠文王更名寧秦漢高帝改曰華陰

東

下砥柱

正義底柱山俗名三門山在砥石縣東北五十里在河之中

及孟津雒汭至

于大邳

正義孟津在洛州河陽縣南門外北安國云山再成曰邳按在衛州黎陽縣南七里

於是

禹以為河所從來者高水湍悍

集解韋昭曰湍疾悍強也

難以行平

地數為敗乃廝二渠以引其河

集解駰案漢書音義曰廝分也二渠其一出貝

丘西南二折者也其一則漂川索隱廝漢書作灑史記舊本亦作灑字從水按韋昭云疏決為灑字音疏跬反廝即分其流泄其怒是也二渠其一則漂川其二王莽時遂空也

北載之高地過降水

正義降水源出潞州屯

至于大陸

正義大陸澤在邢州及趙州界一名廣河

留縣西南方山東北

澤一名鉅鹿澤也

播為九河

正義言過降水及大陸水之口至冀州分為九河也

同為逆

河入于勃海

集解瓚曰禹貢曰夾右碣石入于海然則河口之入海乃在碣石武帝元光二年河

徙東郡更注勃海禹時不注勃海也

九川既疏九澤既灑諸夏安功施

于三代自是之後滎陽下引河東南為鴻溝

索隱楚漢中分之界

文穎云即今官渡水也蓋為二流一南經陽武為官渡水一東經大梁城即河溝今之汴河是也

以通

宋鄭陳蔡曹衛與濟汝淮泗會于楚西方則通渠漢水

雲夢之野東方則通鴻溝江淮之間於吳則通渠三江

五湖

集解韋昭曰五湖湖名耳實一湖今太湖是也在吳西南索隱三江按地理志北江從會稽毗陵

北東入海中江從丹陽蕪湖縣東北至會稽陽羨縣東入海南江從會稽吳縣南東入海故禹貢有北江中江

也五湖郭璞江賦云具區洮滿彭蠡青  
草洞庭又云太湖周五百里故曰五湖  
於齊則通菑濟

之間於蜀蜀守冰

集解烟案漢書曰冰姓李

鑿離碓

集解晉灼曰古堆字

辟沫

水之害

索隱辟音避沫音末案說文云沫水出蜀西南徼外與青衣合東南入海也

穿二江

成都之中

正義括地志云大江一名汶江一名管橋水一名清江亦名水江西南自溫江縣界流來

又云郫江一名成都江一名市橋江亦名中日江亦曰  
內江西北自新繁縣界流來二江並在益州成都縣界  
杜預益州記云二江者郫江流江也風俗通云秦昭王  
使李冰為蜀守開成都縣兩江既田萬頃神須取女二  
人以為婦冰自以為女與神婚徑至祠勸神酒酒杯澹  
澹因厲聲責之因忽不見良久有兩蒼牛鬪於江岸有  
間輒還流江謂官屬曰吾鬪疲極不當相助耶南向腹  
中正白者我殺也主簿刺殺北面者江神遂死華陽國

志云蜀時濯錦流江中則鮮明也

此渠皆可行舟有餘則用溉澇百姓

饗其利至于所過往往引其水益用溉田疇之渠以萬

億計然莫足數也西門豹引漳水溉鄴

正義括地志云漳水一名濁漳

水源出潞州長子縣西力黃山地理志云濁漳水出長子鹿谷山東至鄴入清漳按力黃鹿谷二山北鹿也鄴相州之縣也以富魏之河內而韓聞秦之好興事欲罷之母

令東伐

集解如淳曰欲罷勞之息秦伐韓之計

乃使水工鄭國

集解韋昭曰鄭國能

治水故曰水工

間說秦令鑿涇水自中山西邸瓠口為渠

索隱

云中音仲即今九菱山之東中山是也邸至也瓠口即谷口郊祀志所謂寒門谷口是也與池陽相近故曰田

於何所池陽谷口也正義括地志云中山一名仲山在雍州雲陽縣西十五里又云焦穫藪亦名畝在涇陽北城外也卽至也至渠首起雲陽縣西南二十五里今枯也

金北山東注洛

集解徐廣曰出馮翊

懷德縣

三百餘里欲以溉田中作而覺秦欲殺鄭國鄭國

曰始臣為間然渠成亦秦之利也

索隱溝洫志鄭國曰臣為韓延數歲之命

為秦建萬世之功是也

秦以為然卒使就渠渠就用注填閼之水

溉澤鹵之地四萬餘頃

索隱溉音古代反澤一作烏音昔本或作斥則如字讀之

收

皆畝一鍾於是關中為沃野無凶年秦以富彊卒并諸

侯因命曰鄭國渠漢興三十九年孝文時河決酸棗東

潰金隄

正義括地志云金隄一名十里隄在白馬縣東五里

於是東郡大興卒塞

之其後四十有餘年今天子元光之中而河決於瓠子

東南注鉅野

正義括地志云鄆州鉅野縣東北大澤是

通於淮泗於是天子

使汲黯鄭當時興人徒塞之輒復壞是時武安侯田蚡

為丞相其奉邑食鄆

索隱鄆音輸韋昭云清河縣也正義貝州縣也

鄆居河北

河決而南則鄆無水蓄邑收多蚡言於上曰江河之決

皆天事未易以人力為彊塞塞之未必應天而望氣用

數者亦以為然於是天子久之不事復塞也是時鄭當



時為大農言曰異時關東漕粟從渭中上度六月而罷而漕水道九百餘里時有難處引渭穿渠起長安並南山下至河三百餘里徑易漕度可令三月罷而渠下民田萬餘頃又可得溉田此損漕省卒而益肥關中之地得穀天子以為然令齊人水工徐伯表

索隱葛說徐伯表水工姓

名也小顏云表者巡行穿渠之處而表記之若今豎標表不是名也

悉發卒

集解徐廣曰一云悉眾

數萬人穿漕渠三歲而通通以漕大便利其後漕稍多而渠下之民頗得以溉田矣其後河東守番係言漕從

山東西

索隱音婆又音潘詩小雅云當維司徒番氏也係音系從山東西者謂從山東運漕而西入

也關歲百餘萬石更砥柱之限敗亡甚多而亦煩費穿渠

引汾

正義括地志云汾水源出嵐州靜樂縣北百三十里管涔山北東南流入并州即西南流入至絳州

蒲州入

溉皮氏汾陰

正義括地志云皮氏故城在絳州龍門縣西百三十步自秦漢魏晉

河也

皮氏縣皆治也汾陰故城俗名殷湯城在蒲州汾陰縣北九里漢汾陰縣

下引河溉汾陰蒲

坂下度可得五千頃五千頃故盡河壩

集解韋昭曰壩音而緣反謂緣

河邊地索隱又音人亮反

棄地民芟牧其中耳

索隱芟乾草也謂今收芟及牧畜於中

溉田之度可得穀二百萬石以上穀從渭上與關中無

異而砥柱之東可無復漕天子以為然發卒數萬人作

渠田數歲河移徙渠不利則田者不能償種久之河東

渠田廢予越人令少府以為稍入

集解如淳曰時越人有徙者以田與之其

租稅入少府索隱其田既薄越人徙居者習水利故與之而稍少其稅入之於少府

其後人有上

書欲通褒斜道

集解韋昭曰褒中縣也斜谷名音邪瓚曰褒邪二水名正義括地志云褒谷在

梁州褒城縣北五十里斜水源出褒城縣西北九十八里衙嶺山與褒水同源而派流漢書溝洫云褒水通沔斜水通渭皆以行船是也按褒城即褒中縣也及漕事下御史大夫張湯湯阿

其事因言抵蜀從故道

正義括地志云鳳州兩當縣本漢故道縣也在州西五十里

故道多阪回遠今穿褒斜道少阪近四百里而褒水通

沔斜水通渭皆可以行船漕漕從南陽

正義南陽郡今鄧州

上沔

入褒褒之絕水至斜間百餘里以車轉從斜下下渭如

此漢中之穀可致山東從沔無限

正義無限言多也山東謂河南之東山南

之東及江南淮南皆經砥柱主運今並從沔便於三門之漕也

便於砥柱之漕且褒斜

材木竹箭之饒擬於巴蜀天子以為然拜湯子卬為漢

中守發數萬人作褒斜道五百餘里道果便近而水湍

石

集解徐廣曰湍一作波

不可漕其後莊熊羆言臨晉

正義括地志云同州

本臨晉城也一名大荔城亦曰馮翊城

民願穿洛以溉重泉以東萬餘頃

故鹵地誠得水可令畝十石

正義洛漆沮水也括地志云重泉故城在同州蒲城

縣東南四十五里在同州西北亦四十五里

於是為發卒萬餘人穿渠自徵

引洛水至商顏下

集解服虔曰顏音崖應劭曰徵在馮翊或曰商顏山名索隱徵音懲縣名

也小顏云即今之澄城也顏又如字

岸善崩

正義言高原之崖岸土性疎故善崩毀也

乃鑿井

深者四十餘丈往往為井井下相通行水水顏以絕商

顏

集解瓚曰下流曰顏

東至山嶺十餘里間井渠之生自此始穿

渠得龍骨

正義括地志云伏龍祠在同州馮翊縣西北四十里故老云漢時自徵穿渠引洛得龍骨

其後立祠因以伏龍為名今祠頗有靈驗也

故名曰龍首渠作之十餘歲渠

頗通猶未得其饒自河決瓠子後二十餘歲歲因以數

不登而梁楚之地尤甚天子既封禪巡祭山川其明年

旱乾封少雨天子乃使汲仁郭昌發卒數萬人塞瓠子

決於是天子已用事萬里沙

正義括地志云萬里沙在華州鄭縣東北二十里也

則還自臨決河沈白馬玉壁于河令羣臣從官自將軍

已下皆負薪實決河是時東流郡燒草以故薪柴少而

下淇園之竹

集解晉灼曰衛之苑也多竹篠

以為捷

集解如淳曰樹竹塞水決之口稍稍

布挿接樹之水稍弱補令密謂之捷以草塞其裏乃以  
土填之有石以石為之索隱捷音其免反捷者樹於水  
中稍下竹及  
土石者也 天子既臨河決悼功之不成乃作歌曰瓠

子決兮將奈何皓皓盱盱兮閤殫為河

集解如淳曰殫盡也駟謂州閤

盡為河

殫為河兮地不得寧功無已時兮吾山平

集解徐廣曰東

郡東阿有魚山或者在乎駟索如淳曰恐水漸山使平也韋昭曰鑿山以填河也

吾山平兮鉅

野溢

集解如淳曰瓠子決灌鉅野澤使溢也

魚拂鬱兮柏冬日

集解徐廣曰柏猶迫

也冬日行天邊若與水相連矣駟索漢書音義曰鉅野滿溢則衆魚沸鬱而溢長也迫冬日乃止

延道

弛兮離常流

集解徐廣曰延一作正駟索音灼曰河道皆弛壞索隱言河之決由其源道延長弛

溢故使其道皆離常流也蛟龍騁兮方遠遊歸舊川兮神哉沛

集解曰

水還舊道則犀害消除神祐滂沛

不封禪兮安知外為我謂河伯兮何

不仁泛濫不止兮愁吾人蓄桑浮兮淮泗滿

集解張晏曰蓄桑地

名也如淳曰邑名為水所浮漂

久不反兮水維緩一曰河湯湯兮激潺

湲北渡迺兮浚流難寧長艾兮沈美玉

集解如淳曰寧取也艾草也音

邳一曰艾竿也取長竿樹之用著石間以塞決河瓚曰竹葦絙謂之艾也所以引致土石者也索隱寧音已免

反艾一作艾音廢邳氏又音緇也

河伯許兮薪不屬

集解如淳曰旱燒故薪不足

新

不屬兮衛人罪燒蕭條兮噫乎何以禦水頽林竹兮捷



石菑

集解如淳曰河決堤不能禁故言菑韋昭曰堤柱也木立死曰菑

宣房塞兮萬福

來於是卒塞瓠子築宮其上名曰宣房宮而道河北行

二渠復禹舊迹而梁楚之地復寧無水災自是之後用

事者爭言水利朔方西河河西酒泉皆引河及川谷以

溉田而關中輔渠靈輅

集解如淳曰地理志藍屋有靈輅渠索隱案溝洫志兒寬為左

內史奏請穿六輔渠小顏云今尚謂之輔渠亦曰六渠也

引堵水

集解徐廣曰汝南一作諸川

九江引淮東海引鉅定

集解瓚曰鉅定澤名

太山下引汶水皆穿

渠為溉田各萬餘頃佗小渠披山通道者不可勝言然

其著者在宣房

太史公曰余南登廬山觀禹疏九江遂至于會稽太湟

集解徐廣曰一作濕

上姑蘇望五湖東窺洛汭大邳迎河行淮泗

濟漯洛渠西瞻蜀之岷山及離碓北自龍門至于朔方

曰甚哉水之為利害也余從負薪塞宣房悲瓠子之詩

而作河渠書

集解徐廣曰溝洫志行田二百畝分賦田與一夫二百畝以田惡故更歲耕之

案隱述贊曰水之利害自古而然禹疏溝洫隨山濬川云洎後世非無聖賢鴻溝既剗龍骨斯穿填閘攸

鑿黎蒸有年宣房

在詠梁楚獲全



史記卷二十九

史記卷二十九考證

河渠書功無已時兮吾山平集解徐廣曰東郡東阿有  
魚山或者是乎駟按如淳曰恐水漸山使平也○水  
經注馬頰水又南北流逕山南山即吾山也

史記卷二十九考證

史記卷三十

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

平準書第八

集解駟索隱漢書百官表曰大司農屬官有平準令索隱大司農屬官有平準令丞者以均天下

郡國輸斂貴則糴之賤則買之平賦  
以相準輸歸于京都故命曰平準

漢興接秦之弊大夫從軍旅老弱轉糧饟作業劇而財

匱自天子不能具鈞駟

索隱天子駕駟馬其色宜齊同今言國家貧天子不能具鈞色

之駟馬漢書作醇駟醇與純一色也或作駢非也

而將相或乘牛車齊民無藏

蓋

集解如淳曰齊等無有貴賤故謂之齊民若今言平民矣晉灼曰中國被教之民也蘇林曰無物可蓋藏

於是為秦錢重難用更令民鑄錢

集解駟案漢書食貨志曰鑄榆莢錢索隱

顧氏案古今註云秦錢半兩徑寸二分重十二銖莢錢重三銖錢譜云文為漢興也一黃金一斤

索隱如淳云時以錢為貨黃金一斤直萬錢非也又臣瓚下注云秦以一鎰為一金漢以一斤為一金是其義



也約法省禁而不軌逐利之民蓄積餘業以稽市物物

踊騰躍

集解李奇曰稽貯滯也如淳曰稽考也考校市物價貴賤有時晉灼曰踊甚也言計市物賤而

後益穡

之也物貴而出賣故使物甚騰也漢書羅字作

躍索隱

李奇云稽貯滯韋昭云稽留待也稽字當如李

韋二釋

晉灼及馬融訓稽為計及考於義為疎如淳曰

踊騰猶

伍昂也伍昂者乍貴乍賤也今案漢書羅字作

躍者謂

物踊貴而價起有如物之騰躍而起也然羅者

出賣之

名故食貨志云大熟則上躍三而合一是一是也

米至石萬錢馬一疋則百金

集解瓚曰秦以一鎰為一金漢以一斤為一金

天

下已平高祖乃令賈人不得衣絲乘車重租稅以困辱

之孝惠高后時為天下初定復弛商賈之律然市井之

子孫亦不得仕宦為吏量吏祿度官用以賦於民而山

川園池市井

正義古人未有市及井若朝聚井汲水便將貨物於井邊貨賣故言市井

租稅

之入自天子以至于封君湯沐邑皆各為私奉養焉不

領於天下之經費

索隱案經訓常言封君已下皆以湯沐邑為私奉養故不領入天子之常

稅為一年之費也

漕轉山東粟以給中都官歲不過數十萬石

索隱說文云漕水轉穀也一云車運曰轉水運曰漕中都猶都內也皆天子之倉府以給中都官者即今太倉

以畜官儲者也

至孝文時英錢益多輕

集解如淳曰如榆莢也

乃更鑄四

銖錢其文為半兩令民縱得自鑄錢故吳諸侯也以即

山鑄錢

索隱案即訓就言就出銅之山鑄錢故下文云即名銅山是也一斛即山山名也

富埒

天子

集解徐廣曰埒者除畔言鄰接相次也駟案孟康曰富與天子等而微減也或曰埒等也

其後

卒以叛逆鄧通大夫也以鑄錢財過王者故吳鄧氏錢

布天下而鑄錢之禁生焉匈奴數侵盜北邊屯戍者多

邊粟不足給食當食者於是募民能輸及轉粟於邊者

拜爵爵得至大庶長

索隱漢書食貨志云文帝用晁錯言令人入粟邊六百石爵上造稍

增至四千石為五大夫萬二千石為大庶長各以多少為差

孝景時上郡以西旱亦

復脩賣爵令而賤其價以招民及徒復作得輸粟縣官

以除罪益造苑馬以廣用

索隱謂增益苑園造廐而養馬以廣用則馬是軍國之用

也而宮室列觀輿馬益增脩矣至今上即位數歲漢興

七十餘年之間國家無事非遇水旱之災民則人給家

足都鄙廩庾皆滿而府庫餘貨財京師之錢累巨萬

集解

韋昭曰巨萬今萬萬貫朽而不可校

集解如淳曰校數也

太倉之粟陳陳相

因充溢露積於外至腐敗不可食衆庶街巷有馬阡陌

之間成羣而乘字牝者擯而不得聚會

集解駉案漢書音義曰皆乘父

馬有牝馬間其間則相踴齧故斥不得出會同

守閭閻者食梁肉為吏者長子

孫

集解如淳曰時無事吏不敢轉至于子孫長大而不轉職任

居官者以為姓號

集解

如淳曰倉氏庾氏是也索隱案如淳注出食貨志也

故人人自愛而重犯法先行

義而後紕恥辱焉當是之時網疏而民富役財驕溢或

至兼并豪黨之徒以武斷於鄉曲

索隱鄉曲豪富無官位而以威勢主斷曲

直故曰武斷也

宗室有土公卿大夫以下爭于奢侈室廬輿服

僭于上無限度物盛而衰固其變也自是之後嚴助朱

買臣等招來東甌

正義烏侯反今台州永寧是也

事兩越

正義南越及閩越南越今

廣州南海也閩越今建州建安也

江淮之間蕭然煩費矣唐蒙司馬相

如開路西南夷鑿山通道千餘里以廣巴蜀巴蜀之民

罷焉彭吳賈滅朝鮮置滄海之郡

索隱彭吳賈人姓名始開其道而滅之朝

鮮番名則燕齊之間靡然發動及王恢設謀馬邑匈奴絕

和親侵擾北邊兵連而不解天下苦其勞而干戈日滋

行者齎居者送中外騷擾而相奉百姓抗弊以巧法索隱

三蒼抗音五官反郭氏又音五亂反案抗者耗也消耗之名言百姓貧弊故行巧抵之法也財賂衰

耗而不贍入物者補官出貨者除罪選舉陵遲廉恥相

冒武力進用法嚴令具興利之臣自此始也

集解韋昭曰弘羊此

僅之屬也

其後漢將歲以數萬騎出擊胡及車騎將軍衛青

取匈奴河南地

正義謂靈夏三州地取在元朔二年

築朔方

正義今夏州也姑地志云

夏州秦上郡漢分置朔方郡魏不改隋置夏州

當是時漢通西南夷道作者數

萬人千里負擔饋糧率十餘鍾致一石

集解朔方書音義曰鍾六石

四散幣於邛徼以集之

索隱應劭云臨邛屬蜀焚屬捷為

數歲道不通

蠻夷因以數攻吏發兵誅之

索隱謂發軍與以誅之也

悉巴蜀租賦

不足以更之

集解韋昭曰更續也或曰更贖也

乃募豪民田南夷入粟

縣官而內受錢於都內

集解服虔曰入穀於外縣受錢於內府也

東至滄海

之郡人徒之費擬於南夷又興十萬餘人築衛朔方轉漕甚遼遠自山東咸被其勞費數十百巨萬府庫益虛乃募民能入奴婢得以終身復為郎增秩及入羊為郎始於此其後四年

集解徐廣曰元朔五年

而漢遣大將將六將軍

軍十餘萬擊右賢王獲首虜萬五千級明年大將軍將六將軍仍再出擊胡得首虜萬九千級捕斬首虜之士受賜黃金二十餘萬斤虜數萬人皆得厚賞衣食仰給縣官而漢軍之士馬死者十餘萬兵甲之財轉漕之費



不與焉於是大農陳藏錢

集解韋昭曰陳久也

經耗賦稅既竭猶

不足以奉戰士有司言天子曰朕聞五帝之教不相復

而治禹湯之法不同道而王所由殊路而建德一也北

邊未安朕甚悼之日者大將軍攻匈奴斬首虜萬九千

級留蹕無所食

案隱蹕音逝謂貯也韋昭云音滯謂積也又案古今字詁蹕今滯字則蹕與滯

同謂富人貯滯積穀則貧者無所食也

議令民得買爵及贖禁錮免減罪

請置賞官命曰武功爵

集解瓚曰茂陵中書有武功爵一級曰造士二級曰閑輿衛三

級曰良士四級曰元戎士五級曰官首六級曰秉鐸七級曰千夫八級曰樂卿九級曰執戎十級曰左庶長十

一級曰軍衛此武帝所制以寵軍功

級十七萬凡直三十餘萬金

索隱大顏云一

金萬錢也計十一級級十七萬合百八十七萬金而此云三十餘萬金其數必有誤者顧氏案或解云初一級十七萬自此已上每級加二萬至十七級合成三十七萬也 諸買武功爵官首者試

補吏先除

索隱官首武功爵第五也位稍高故得試為吏先除用也

千夫如五大夫

索隱千夫武功十一等爵第七五大夫舊二十等爵第九也言千夫爵秩比於五大夫故楊僕以千夫為吏殆謂其有罪又減二等爵得至樂卿

集解徐廣曰爵名也駟案漢書音義曰十

爵左庶長以上至十八爵為大庶長也名樂卿樂卿者朝位從九卿加樂者別正卿又十九爵為樂公食公卿祿而無職索隱蓋此言武功置爵唯得至於樂卿也臣瓚所引茂陵書蓋後人記其爵次耳今注稱十爵至十

八庶長為樂卿十九至二十為樂公乃以舊二十  
爵釋武功爵蓋亦臆說爾非也大顏亦以為然以顯

軍功軍功多用越等大者封侯卿大夫小者郎吏吏道

雜而多端則官職耗廢自公孫弘以春秋之義繩臣下

取漢相張湯用峻文決理為廷尉於是見知之法生

集解

張晏曰吏見知不舉劾為故縱

而廢格沮誹窮治之獄用矣

集解如淳曰廢格天

子文法使不行也誹謂非上所行若類異反脅之比也索隱格音閤沮音才緒反誹音非謂廢格天子之命而不行及沮敗誹謗之者皆被窮治故云廢格沮謗之獄用矣

其明年淮南衡山江都

王謀反迹見而公卿尋端治之竟其黨與而坐死者數

萬人長吏益慘急而法令明察當是之時招尊方正賢

良文學之士或至公卿大夫公孫弘以漢相布被食不

重味為天下先然無益於俗稍驚於功利矣其明年驃

騎仍再出擊胡獲首四萬其秋渾邪王率數萬之衆來

降於是漢發車二萬乘迎之既至受賞賜及有功之士

是歲費凡百餘巨萬初先是往十餘歲河決觀

集解徐廣曰觀

時名也屬東郡光武改曰衛公國

梁楚之地固已數困而緣河之郡隄

塞河輒決壞費不可勝計其後番係欲省砥柱之漕穿

汾河渠以為溉田作者數萬人鄭當時為渭漕渠回遠鑿直渠自長安至華陰作者數萬人朔方亦穿渠作者數萬人各歷二三朞功未就費亦各巨萬十數天子為伐胡盛養馬馬之來食長安者數萬匹卒掌者關中不足乃調旁近郡而胡降者皆衣食縣官縣官不給天子乃損膳解乘輿駟出御府禁藏以贍之其明年山東被水菑民多飢乏於是天子遣使者虛郡國倉廩

其解  
餘廣

曰音  
膾

以振貧民猶不足又募豪富人相貸假尚不能相

救乃徙貧民於關以西及充朔方以南新秦中

集解服虔曰地

名在北方千里如淳曰長安已北朔方已南瓊曰秦遂匈奴以收河南地徙民以實之謂之新秦今以地空故

復徙民以實之七十餘萬口衣食皆仰給縣官數歲假予產業

使者分部護之冠蓋相望其費以億計不可勝數於是

縣官大空而富商大賈或蹠財役貧

集解駰案漢書音義曰蹠倚也一曰

貯也索隱蕭該案字林云貯塵也音佇此謂居積停帶塵久也子貢發貯鬻財是也

轉轂百數

集解

李奇曰車也

廢居居邑

集解徐廣曰廢居者貯畜之名也有所廢有所畜言其東時射利也同案

服虔曰居轂於邑也如淳曰居賤物於邑中以待貴索隱到氏云廢出賣也居停畜也是出賣於居者為廢故

徐氏曰有所廢有所蓄是也

封君皆低首仰給

集解晉灼曰低音抵距也服虔曰仰給於

高賈索隱服虔說是也而到伯莊以為封君及大商皆低首營私以自給不佐天子非也

冶鑄煮鹽

財或累萬金而不佐國家之急黎民重困於是天子與

公卿議更錢造幣以贍用而摧浮淫并兼之徒是時禁

苑有白鹿而少府多銀錫自孝文更造四銖錢至是歲

四十餘年從建元以來用少縣官往往即多銅山而鑄

錢民亦間盜鑄錢不可勝數錢益多而輕

集解如淳曰唐錢取鎔故

也瓚曰鑄錢者多故錢輕輕亦賤也物益少而貴

集解如淳曰但鑄作錢不作餘物

有司

言曰古者皮幣諸侯以聘享金有三等黃金為上白金

為中赤金為下

集解駢索漢書音義曰白金銀也赤金丹陽銅索隱說文云銅赤金也注云丹

陽銅者神異經云西方金山有丹陽銅也

今半兩錢法重四銖

集解韋昭曰文為半兩實

重四銖

而姦或盜摩錢裏取鎔

集解徐廣曰音容呂靜曰治器法謂之鎔

錢益

輕薄而物貴則遠方用幣煩費不省乃以白鹿皮方尺

緣以藻繒

集解徐廣曰藻一作紫

為皮幣直四十萬王侯宗室朝

覲聘享必以皮幣薦璧然後得行又造銀錫為白金

集解

如淳曰雜鑄銀錫為白金也

以為天用莫如龍

索隱易云行天莫如龍是也

地用



莫如馬

索隱易云行地莫如馬是也

人用莫如龜

索隱禮云諸侯以龜為寶是也

故

白金三品其一曰重八兩圜之其文龍名曰白選直三

千

索隱顧氏索錢譜其文為龍形隱起內好皆圓文又作雲霞之象選蘇林音選擇之選包愷及劉氏音息

憲反尚書大傳云夏后氏不殺不刑死罪罰二千饌馬融云饌六兩漢書作撰二字音同也晉灼索黃圖云直

三千三百也

二曰重差小方之其文馬直五百

索隱謂以八兩差為三品

此重六兩下小摘重四兩也云以重差小者謂半兩為重故差小重六兩而其形方錢譜內好皆方隱起馬形

內好之下又有連珠文也

三曰復小摘之其文龜直三百

索隱摘音湯果反爾

雅注摘者狹長也謂長而去四角也錢譜內圓好方皆隱起龜甲文令縣官銷半兩錢更

鑄三銖錢文如其重盜鑄諸金錢罪皆死而吏民之盜鑄白金者不可勝數於是以東郭咸陽孔僅為大農丞領鹽鐵事

索隱東郭姓咸陽名也素風俗通東郭牙齊大夫咸陽其後也

桑弘羊以計

算用事侍中咸陽齊之大煮鹽孔僅南陽大冶皆致生累千金故鄭當時進言之弘羊雒陽賈人子以心計年十三侍中故三人言利事析秋毫矣

索隱言百物毫芒至秋皆美細今言

弘羊等三人言利事纖悉能分析其秋毫也

法既益嚴吏多廢免兵革數動

民多買復及五大夫徵發之士益鮮於是除千夫五大

夫為吏不欲者出馬故吏皆通適令伐棘上林

集解韋昭曰欲

令出馬無馬者令伐棘索隱謂故吏先免者皆適令伐棘上林不謂無馬者韋說非也

作昆明池

索隱案黃圖武帝穿昆明池周四十里以習水戰荀悅云昆明子居滇河中故習水戰以伐之也

其明

年大將軍驃騎大出擊胡

集解徐廣曰元狩四年

得首虜八九萬

級賞賜五十萬金漢軍馬死者十餘萬匹轉漕車甲之

費不與焉是時財匱戰士頗不得祿矣有司言三銖錢

輕易姦詐乃更請諸郡國鑄五銖錢周郭其下令不可

磨取鎔焉大農上鹽鐵丞孔僅咸陽言山海天地之藏

也皆宜屬少府

索隱韋昭云少府天子私所給賜經用也公用屬大司農

陛下不私

以屬大農佐賦願募民自給費因官器作者煮鹽官與牢

盆

集解如淳曰牢廩食也古者名廩為牢也盆者煮鹽盆索隱蘇林云牢價直也今世人言雀手牢盆小顏

云蘇說是樂彥云牢乃盆名其說異也

浮食竒民欲擅管山海之貨

集解張晏

曰若人執倉庫之管篇或曰管固索隱包謹竒音羈謂侯也非農工之儔故言竒也擅音善

以致富

羨役利細民

索隱羨音弋戰反羨饒也與衍同義

其沮事之議不可勝聽

索隱沮止也僅等言山海之藏宜屬大農竒人欲擅其利必有沮止之議此不可聽許也敢私鑄鐵

器煮鹽者鈇左趾

集解史記音義曰鈇音徒計反韋昭曰鈇以鐵為之著左趾以代刑也索

隱三蒼云鈇踏脚鉗也字林音大計反張斐漢晉律序云狀如跟衣著足足下重六斤以代刑至魏武改以減代鈇也集解鄧展曰鑄故鐵便

屬在所縣使孔僅東郭咸陽乘傳舉行天下鹽鐵作官府除故鹽鐵家富者為吏吏道益雜不選而多賈人矣商賈以幣之變多積貨逐利於是公卿言郡國頗被菑害貧民無產業者募徙廣饒之地陛下損膳省用出禁錢以振元元寬貸賦而民不齊出於南畝集解李奇曰齊皆也商賈滋衆貧者畜積無有皆仰縣官異時算輶車賈人緡

錢皆有差請算如故

集解李斐曰緡絲也以貫錢也一貫千緡出二十算也詩云維絲伊

緡如淳曰胡公名錢為緡者詩云氓之蚩蚩抱布貿絲故謂之緡也索隱異時猶前時也說文云輶小車也傳

子言漢代賤乘輶今則貴之言算輶車者有輶車使出稅一算二算也緡音晃諸賈人未作貫

貸買居邑稽諸物

索隱指者停留也即上文所謂廢居居邑也

及商以取利

者雖無市籍各以其物自占

索隱郭璞云占自隱度也謂各自隱度其財物多少

為大簿送之官也若不盡皆沒入於官占音之瞻反

率緡錢二千而一算

集解瑱曰此緡

錢為是儲緡錢也故隨其用所施施於利重者其算亦多

諸作有租及鑄

集解如淳曰以手力

所作而賣之

率緡錢四千一算非吏比者三老北邊騎士

集解

如淳曰非吏而得與吏比者官謂三老北  
邊騎士也樓船令邊郡選富者為車騎士  
輶者以一算

商賈人輶車二算

集解如淳曰商賈有輶車使出二算重其賦也

船五丈以上

一算匿不自占占不悉戍邊一歲没入緡錢

索隱悉盡也具也若

通其家財不周悉盡者罰戍邊一歲

有能告者以其半畀之賈人有市籍

者及其家屬皆無得籍名田以便農

索隱謂賈人有市籍不許以名占田

也敢犯令没入田僮

索隱若賈人更占田則没其田及僕僮皆入之於官

天子乃

思卜式之言召拜式為中郎爵左庶長賜田十頃布告

天下使明知之初卜式者河南人也以田畜為事親死

式有少弟弟壯式脫身出分獨取畜羊百餘田宅財物  
盡予弟式入山牧十餘歲羊致千餘頭買田宅而其弟  
盡破其業式輒復分子弟者數矣是時漢方數使將擊  
匈奴卜式上書願輸家之半縣官助邊天子使使問式  
欲官乎式曰臣少牧不習仕宦不願也使問曰家豈有  
冤欲言事乎式曰臣生與人無分爭式邑人貧者貸之  
不善者教順之所居人皆從式式何故見冤於人無所  
欲言也使者曰苟如此子何欲而然式曰天子誅匈奴



愚以為賢者宜死節於邊有財者宜輸委如此而匈奴  
可滅也使者具其言入以聞天子以語丞相弘弘曰此  
非人情不軌之臣不可以為化而亂法願陛下勿許於  
是上久不報式數歲乃罷式式歸復田牧歲餘會軍數  
出渾邪王等降縣官費衆倉府空其明年貧民大徙皆  
仰給縣官無以盡贍卜式持錢二十萬予河南守以給  
徙民河南上富人助貧人者籍天子見卜式名識之曰  
是固前而欲輸其家半助邊乃賜式外繇四百人

集解  
田案

漢書音義曰外繇謂戍邊也一人出三百錢謂之過更式歲得十二萬錢也一說在繇役之外得復除四百人

式又盡復予縣官是時富豪皆爭匿財唯式尤欲輸之助費天子於是以式終長者故尊顯以風百姓初式不願為郎上曰吾有羊上林中欲令子牧之式乃拜為郎布衣屨而牧羊

其解韋昭曰復草也

歲餘羊肥息上過見其羊善

之式曰非獨羊也治民亦猶是也以時起居惡者輒斥去毋令敗羣上以式為奇拜為緱氏令試之緱氏便之遷為成臯令將漕最上以為式朴忠拜為齊王太傅而

孔僅之使天下鑄作器三年中拜為大農列於九卿

集解

徐廣曰元鼎二年時丙寅歲

而桑弘羊為大農丞筦諸會計事稍稍

置均輸以通貨物矣

集解孟康曰謂諸當所輸於官者皆令輸其土地所饒平其所在時

價官更於它處賣之輸者既便而官有利漢書百官表大司農屬官有均輸令

始令吏得入穀

補官郎至六百石自造白金五銖錢後五歲赦吏民之

坐盜鑄金錢死者數十萬人其不發覺相殺者不可勝

計赦自出者百餘萬人然不能半自出天下大抵無慮

皆鑄金錢矣

索隱抵歸也劉氏云大抵猶大略也索大抵無慮者謂言大略歸於鑄錢更無他事

從慮也 犯者衆吏不能盡誅取於是遣博士褚大徐偃等

分曹循行郡國

集解服虔曰分曹職案行

舉兼并之徒守相為吏者

而御史大夫張湯方隆貴用事減宣杜周等為中丞義

縱尹齊王溫舒等用慘急刻深為九卿而直指夏蘭之

屬始出矣而大農顏異誅

集解徐廣曰元狩四年時壬戌歲也

初異為濟

南亭長以廉直稍遷至九卿上與張湯既造白鹿皮幣

問異異曰今王侯朝賀以蒼璧直數千而其皮薦反四

十萬本末不相稱天子不說張湯又與異有郤及人有

告異以它議事下張湯治異異與客語客語初令下有

不便者

集解李奇曰異與客語道詔令初下有不便處也

異不應微反脅湯奏

異當九卿見令不便不入言而腹誹論死自是之後有腹誹之法以此而公卿大夫多諂諛取容矣天子既下

緡錢令而尊卜式百姓終莫分財佐縣官於是楊可告

緡錢縱矣郡國多姦鑄錢

索隱謂多姦巧雜以鉛錫也

錢多輕而公

卿請令京師鑄鐘官赤側

集解如淳曰以赤銅為其郭也今錢見有赤側者不知作

法云何索隱鐘官掌鑄赤側之錢韋昭曰側邊也

一當五賦官用非赤側不得

行

集解駢案漢書音義曰俗所謂紫紺錢也

白金稍賤民不實用縣官以令

禁之無益歲餘白金終廢不行是歲也張湯死

集解徐廣曰元

鼎三年

而民不思

索隱樂彥云諸所廢與附上國下皆自湯故人不思也

其後二歲

赤側錢賤民巧法用之不便又廢於是悉禁郡國無鑄

錢專令上林三官

集解駢案漢書百官表水衡都尉武帝元鼎二年初置掌上林苑屬官有

上林均輸鍾官辨銅令然則上林三官其是此三令乎

鑄錢既多而令天下非三

官錢不得行諸郡國所前鑄錢皆廢銷之輸其銅三官

而民之鑄錢益少計其費不能相當唯真工大姦乃盜

為之卜式相齊而楊可告緡徧天下

集解瓚曰商賈居積及伎巧之家非

桑農所生出謂之緡茂陵中書有緡田奴婢是也

中家

索隱楊姓可名也如淳云告緡令楊可所告言

以上大抵皆遇告杜周治之獄少反者

集解如淳曰治匿緡之罪其獄

少有反者索隱反音幡反謂反使從輕也

乃分遣御史

廷尉正監分曹

索隱如淳云曹輩也謂分曹輩而出為使也

往即治郡國緡

錢得民財物以億計奴婢以千萬數田大縣數百頃小

縣百餘頃宅亦如之於是商賈中家以上大率破民偷

甘食好衣不事畜藏之產業而縣官有鹽鐵緡錢之故

用益饒矣益廣關置左右輔

集解徐廣曰元鼎三年丁卯歲徙函谷關於新安東

界

初大農筦鹽鐵官布多

索隱布謂泉布

置水衡欲以主鹽鐵

及楊可告緡錢上林財物衆乃令水衡主上林上林既

充滿益廣是時越欲與漢用船戰逐

集解韋昭曰戰鬪馳逐也

乃大

修昆明池列觀環之治樓船高十餘丈旗幟加其上甚

壯

索隱蓋始穿昆明池欲與滇王戰今乃更大脩之將與南越呂嘉戰逐故作樓船於是楊僕有將軍之號

又下文云因南方樓船卒二十餘萬擊南越也於是

明池有豫章館豫章地名以言將出軍於豫章也

天子感之乃作柏梁臺高數十丈宮室之脩由此日麗



乃分緡錢諸官而水衡少府大農太僕各置農官往往

即郡縣比没入田田之

索隱謂比者所没入之田也

其没入奴婢分

諸苑養狗馬禽獸及與諸官諸官益新置多

集解如淳曰水衡少

府太僕司農皆有農官是為多

徙奴婢衆而下河漕度四百萬石

索隱樂彥

云度猶運也

及官自糴乃足

索隱謂天子所給廩食者多故不如官自糴乃足也

所忠

言世家子弟

集解如淳曰世世有祿秩家索隱所忠人姓名服虔云掌故官取書於司馬相如者

封禪書公孫卿因所忠言寶鼎是也唯姚察獨以為所患非也

富人或鬪雞走狗馬弋

獵博戲亂齊民

索隱晉灼云中國被教齊整之人也

乃徵諸犯令相引數

千人命曰株送徒入財者得補郎郎選衰矣

集解應劭曰株根本

也送引也如淳曰株根蒂也諸生博戲事決為徒者能入錢得補郎也或曰先至者為根索隱李奇云先至者

為魁株也送當作選選引也應李二音是先至之人令之相引似若得其株本則枝葉自窮故曰株送徒又文選曰凡闕雞勝者為株傳云陽溝之雞三歲為株今則闕雞走馬者用之因其闕雞本勝時名故云株選徒者也

是時山東被河菑及歲不登數年人或相食方一二

千里天子憐之詔曰江南火耕水耨

集解應劭曰燒草下水種稻草與稻

並生高七八寸因悉芟去復下水灌之草死獨稻長所謂火耕水耨也

令飢民得流就食

江淮間欲留之處遣使冠蓋相屬於道護之下巴蜀粟

以振之其明年天子始巡郡國東渡河河東守不意行

至不辦自殺西行踰隴隴西守以行往卒

集解 駟案漢書音義曰踰

度也卒倉卒

天子從官不得食隴西守自殺於是上北出蕭

關從數萬騎獵新秦中以勒邊兵而歸新秦中或千里

無亭徼

集解如淳曰徼亦卒求盜之屬也晉灼曰徼塞也瓚曰既無亭候又不徼巡無衛邊之備也

於是誅北地太守以下而令民得畜牧邊縣

集解 駟案漢書音義

曰令民得畜牧於邊縣也瓚曰先是新秦中千里無民畏寇不收畜牧令設亭徼故民得畜牧也

官假

馬毋三歲而歸及息什一以除告緡用充仞新秦中

集解

李奇曰邊有官馬今令民能畜官母馬者滿三歲歸之也及有蕃息與當出緡算者皆復令居新秦中又充仞之也謂與民母馬令得為馬種令十母馬還官一駒此為息什一也瓚曰前以邊用不足故設告緡之令設亭徼邊民無警皆得田牧新秦中既得寶鼎立后土太一已充故除告緡不復取於民

祠集解徐廣曰元鼎四年立后土五年立太時公卿議封禪事而天下郡國

皆豫治道橋繕故宮及當馳道縣縣治官儲設供具而望以待幸其明年南越反西羌侵邊為桀於是天子為山東不贍赦天下因南方樓船卒二十餘萬人擊南越數萬人發三河以西騎擊西羌又數萬人渡河築令居

索隱令音零姚氏音  
連韋昭云金城縣

初置張掖酒泉郡

其解徐廣曰元鼎六年

而

上郡朔方西河河西開田官斥塞卒

其解如淳曰塞候斥卒

六十

萬人戍田之中國繕道餽糧遠者三千近者千餘里皆

仰給大農邊兵不足乃發武庫工官兵器以贍之車騎

馬乏絕縣官錢少買馬難得乃著令令封君以下至三

百石以上吏以差出北馬天下亭亭有畜牝馬歲課息

齊相卜式上書曰臣聞主憂臣辱南越反臣願父子與

齊習船者徃死之天子下詔曰卜式雖躬耕牧不以為

利有餘輒助縣官之用今天下不幸有急而式奮願父  
子死之雖未戰可謂義形於內賜爵關內侯金六十斤  
田十頃布告天下天下莫應列侯以百數皆莫求從軍

擊羌越至酎少府省金

某解如淳曰省視諸侯金有輕有重也或曰至當酎飲宗廟時

少府視其金多少也

而列侯坐酎金失侯者百餘人

某解如淳曰漢儀注王子

為侯侯歲以戶口酎黃金於漢廟皇帝臨受獻金以助祭大祀曰飲酎飲酎受金金少不如斤兩色惡王削縣侯免國索隱劉氏云言列侯多以百而數故坐酎金失侯者一百六人也乃拜式為御史大

夫

某解徐廣曰元鼎六年式既在位見郡國多不便縣官作鹽鐵

鐵器苦惡

集解瓚曰謂作鐵器民患苦其不好

賈貴

索隱言鹽既苦而器又惡故買賈貴也苦

又音古言器苦窳不好凡病之器云苦窳窳音庾事見本紀苦如字讀亦通

或彊令民賣買

之而船有算商者少物貴乃因孔僅言船算事上由是不悅卜式漢連兵三歲誅羌滅南越番禺以西至蜀南

者置初郡十七

集解徐廣曰南越為九郡駟業晉灼曰元鼎六年定越地以為南海蒼梧鬱林

合浦交趾九真日南珠崖儋耳郡定西南夷以為武都牂牁越巂沈犂汶山郡及地理志西南夷傳所置犍為零陵益州郡凡十七也且以其故俗治毋賦稅南陽漢中以往郡

各以地比給初郡

索隱比音鼻南陽漢中已往之郡各以其地比近給初郡初郡即西南初

置之郡也

吏卒奉食幣物傳車馬被具

索隱奉音扶用反包氏同

而初郡

時時小反殺吏漢發南方吏卒往誅之間歲萬餘人費

皆仰給大農大農以均輸調鹽鐵助賦故能贍之然兵

所過縣為以訾給毋乏而已不敢言擅賦法矣

集解徐廣曰擅

一作經經常也唯取用足耳不暇顧經常法則矣

其明年元封元年卜式貶秩

為太子太傅而桑弘羊為治粟都尉領大農盡代僅完

天下鹽鐵弘羊以諸官各自市相與爭物故騰躍而天

下賦輸或不償其僦費

索隱服虔謂載云僦言所輸物不足償其佳載之費也僦音子



就乃請置大農部丞數十人分部主郡國各往往縣置

均輸鹽鐵官令遠方各以其物貴時商賈所轉販者為  
賦而相灌輸置平準于京師都受天下委輸名工官治  
車諸器皆仰給大農大農之諸官盡籠天下之貨物貴

即賣之賤則買之如此富商大賈無所牟大利

集解如淳曰牟

取也則反本而萬物不得騰踊故抑天下物名曰平準天

子以為然許之於是天子北至朔方東到太山巡海上  
並北邊以歸所過賞賜用帛百餘萬匹錢金以巨萬計

皆取足大農弘羊又請令吏得入粟補官及罪人贖罪

令民能入粟甘泉各有差以復終身不告緡他郡國各

輸急處

索隱謂他郡能入粟輸所在急要之處也

而諸農各致粟山東漕益

歲六百萬石一歲之中太倉甘泉倉滿邊餘穀諸物均

輸帛五百萬匹民不益賦而天下用饒於是弘羊賜爵

左庶長黃金再百斤焉是歲小旱上令官求雨卜式言

曰縣官當食租衣稅而已今弘羊令吏坐市列肆

索隱謂吏

坐市肆行列之市

販物求利亨弘羊天乃雨

太史公曰農工商交易之路通而龜貝金錢刀布之幣

興焉

索隱錢本名泉言貨之流如泉也故周有泉府之官及景王乃鑄大錢布泉者言貨流布故周禮有

三夫之布食貨志貨布長二寸五分首長八分足枝長八分刀者錢也食貨志有契刀錯刀契刀長二寸直五百錯刀以黃金錯直五千以其形如刀故曰刀以其利於人也又古者貨貝寶龜食貨志有十朋五貝皆用為貨貝各有多少兩貝為朋故直二百一十六元龜十朋故直二千一百六十已下各有差也

所從來

久遠自高辛氏之前尚矣靡得而記云故書道唐虞之

際詩述殷周之世安寧則長庠序先本絀末以禮義防

于利事變多故而亦反是是以物盛則衰時極而轉

集解

徐廣曰時一作哀

一質一文終始之變也禹貢九州各因其土

地所宜人民所多少而納職焉湯武承弊易變使民不倦各兢兢所以為治而稍陵遲衰微齊桓公用管仲之

謀通輕重之權

集解管子有輕重之法

微山海之業以朝諸侯用

區區之齊顯成霸名魏用李克盡地力為彊君自是之後天下爭於戰國貴詐力而賤仁義先富有而後推讓故庶人之富者或累巨萬而貧者或不厭糟糠有國彊者或并羣小以臣諸侯而弱國或絕祀而滅世以至於

秦卒并海內虞夏之幣金為三品

索隱即下或黃或白或赤也黃黃金也白

白銀也赤赤銅也見食貨志

或黃或白或赤或錢或布

集解如淳曰布於民間也

或刀

集解如淳曰名錢為刀者以其利於民

或龜貝及至秦中一國之幣

為三等黃金以鑑名

集解孟康曰二十兩為鑑

為上幣銅錢識曰半

兩重如其文為下幣而珠玉龜貝銀錫之屬為器飾寶

藏不為幣然各隨時而輕重無常於是外攘夷狄內興

功業海內之士力耕不足糧饗女子紡績不足衣服古

者嘗竭天下之資財以奉其上猶自以為不足也無異

故云事勢之流相激使然曷足怪焉

索隱述贊曰平準之立通貨天下既入縣官或振華  
夏其名乃布其文龍馬增算告緡哀多益寡弘羊心  
計卜式長者都內  
克殷取贍郊野

史記卷三十

史記卷三十考證

平準書物踊騰糴索隱按漢書糴字作躍者謂物踊貴而價起有如物之騰躍而起也然糴者出賣之名故食貨志云大熟則上糴三而舍一是也○臣世駿按作躍則宜屬上句作糴則宜屬下句

布衣屨而牧羊集解韋昭曰履草也○推尋文義宜云屨草履也

徙奴婢衆○徙一本作徒

名工官治車諸器○名一本作召

史記卷三十考證



謹案卷二十九第三頁前一行具區洮瀉刊本洮  
訛洮今改

第四頁前一行田於何所刊本何訛河據漢書溝  
洫志改

第四頁前一行中山一名仲山刊本中下脫山字  
今增

第六頁前四行習水利故與之刊本故訛放今改  
第八頁後六行一曰菱竿也刊本竿訛竿今改

第九頁後六行集解引溝洫志語與本文全不比  
附疑他處錯簡在此

卷三十第五頁前五行臨邛屬蜀刊本蜀訛焚據  
漢地志改

第九頁前一行有所廢刊本廢訛費今改

第十一頁後八行鈇左趾刊本鈇訛鈇今改

第十二頁前一行張斐漢晉律序刊本斐訛裴據

索隱本改

第二十二頁前五行無所牟大利刊本年訛年據

監本改





總校官庶吉士

臣

侍

朝

校對官檢討

臣

王鍾健

健

騰錄貢生

臣

李敬敏

敏